





1110  
1110 6

1100  
6



西湖志卷之十二

寺觀三

北山路

昭慶律寺 在錢塘門外  
溜水橋西

咸淳臨安志乾德五年錢

氏建舊名菩提太平興國三年建戒壇七年改賜

今額 留青日札每年三月開戒壇為天  
下僧人受戒之所名曰萬善戒壇 西湖遊覽

志宋天禧初有圓淨法師學廬山慧遠結蓮社搢

紳之士與會者二十餘人運使孫何為之記 孫何  
西湖

蓮社記西湖者餘杭之勝游淨行者華嚴之妙品  
境與心契人將法俱浮屠首常結社於此舉蓮華



以喻其潔依止水以方其清棟梁飛動乎溪光雲  
 木參差乎山翠追道安之故事躡惠遠之遺蹤爾  
 乃八十高僧一千大眾受持正覺勸導迷途故參  
 預蘇貳卿序之於前今承旨宋尚書碑之於後仍  
 貽麗句以贊真宗輝映士林蔚為倡首於是乎鈞  
 台上列宥密近臣文昌明卿玉署內相瑣闥夕拜  
 諫垣大夫綸閣舍人卿寺少列郎曹應宿仙館和  
 鉛曲臺禮樂之司延閣著述之士殿省春坊之俊  
 幕府縣道之英凡若干人莫不間發好辭演成盛  
 事摘錦布繡乎堂上合璧連珠於牖問陝路運使  
 史館丁刑部頃歲將命甌閩息肩隣里復又寫林  
 泉之幽勝集羣彥之歌詩作為冠篇鼎峙蘭若雖  
 梁蕭再出裴休復生一字千金無以增損況何之  
 固陋乎今所敘者聞法隨喜之歲月寄詩入社之  
 後先辨其官班列彼名氏至夫義利交戰道勝者  
 為至人愛惡相攻德成者為君子若乃混韋布乎  
 公袞等林泉於市朝以王謝之名位慕宗雷之風  
 猷者則有相國河內向公貳卿長城錢公在密地

日參政太原王公夕拜東平呂公在綸閣日密諫  
 頴川陳公度支安定梁公任省倅日尚書鄆琊王  
 公夕拜清河張公在餘杭日侍讀學士東平呂公  
 任司諫日工部侍郎致仕沛國朱公在翰林日大  
 諫始平馮公在翊善日紫薇郎趙郡李公安定梁  
 公弘農梁公在史館日故閣老太原王公在揚州  
 日皆文為國華望作人傑仰止師行發為聲詩麗  
 句披沙孰謂布金之地英詞潤石鬱為羣玉之山  
 大矣哉朝野歡娛車書混一禪扉接影將府署以  
 爭輝魚梵交音與頌聲而間作常公定力堅固有  
 自誠而明之心法性圓通有為善最樂之論欲使  
 人修淨行家習淨名觀相起慈悲之緣披文生利  
 益之意轉置熱惱之眾延集清涼之鄉足以發揮  
 後來啟迪先覺暨第一義諦人不二法門豈徒誇  
 陽春白雪之詞銜螭首龜趺之作翬飛鳥企壯兜  
 率之齋宮鳳跋龍拏書筮乾之梵夾而已咸平四  
 年常公遠自澗水來乎如蘇旅寓半年以碑陰為  
 請且就他山之石將刊不朽之名何厠儒家流領



太史氏受承旨尚書之顧三讀為榮忝武功參預  
 之知九原未報丁刑部言揚事舉既接科名心照  
 神交實由道契依經作傳敢萌左氏之詞相成化  
 質披文但愧陸機之說與我同志無多誦焉  
 杭州府志有堂二曰綠野曰白蓮軒二曰碧玉曰  
 四觀南渡初其地為策選鋒軍教場僅存戒壇其  
 後漸復舊觀元末寺燬洪武間重建成化丙戌僧  
 廣慎復新之留青日札嘉靖三十五年倭寇臨北  
 關都御史李天寵焚之乃五月六日也不數年總  
 制胡宗憲重建煥然勝昔隆慶三年乙巳閏六月  
 六日為雷火所焚萬曆錢塘縣志新都汪道昆募

建萬曆三十五年敕賜銀一千兩助建內有藏經

閣觀音并臥牛石放生池錢塘縣志崇禎庚辰燬

陳堯佐昭慶寺詩湖邊山影裏靜境與僧分一榻  
 坐臨水片心閒對雲樹寒時落葉鷗散忽成羣莫  
 問紅塵事林間肯暫問王禹偁昭慶寺華嚴社詩  
 夢幻吾身是偶然勞生四十又三年任誇西掖吟  
 紅葉何似東林種白蓮入定雪龕燈焰直講經霜  
 殿磬聲圓謫官不得餘杭郡空寄高僧結社篇朱  
 繼芳昭慶寺詩幽尋得勝趣城市幾人能古柳深  
 中磬長廊盡處燈畫龍聽說法塑佛看齋僧別寺  
 經行處茲遊昔未曾張時徹昭慶寺詩紺殿倚城  
 隅諸方此受符彩霞騰祕閣赤日射澄湖寺古旃  
 檀馥林深燕雀娛羣峯  
 堪攬結飛動欲誰俱

國朝順治間重建康熙四十二年除夕正殿燬五十二



年重建

張丹十九日黃大宗擬登初陽臺修展重陽故事因雨阻集昭慶寺詩詞客還來結

伴遊西湖風色滿南樓一年雨醉丹楓日雙鬢重尋白雁秋寒雨層臺空落木晚鐘蕭寺有歸舟銜杯強續登高興把菊何須動旅愁

慶忌塔

在昭慶寺之北

西湖遊覽志春秋時吳慶忌葬於

此其地在宋為豐儲倉前有石池深窈不測宋咸

淳六年七月池水盡立浮苴登木蕩突久之或曰

有數百歲大龜久而成妖也又時有物出水若鐵

棺然湖壩雜記大佛寺畔有壺瓶塔元西僧所建

今不存

錢塘縣志康熙三年塔壞中有小塔數千枚及瓦棺細人數千吳任臣曰段家橋有

慶忌塔故老相傳吳公子慶忌實葬於此及讀陸廣微吳地記吳公子慶忌墳在吳縣東北三十五里今呼慶墳是吳既有慶忌故塚又安得復更葬西湖側哉然則慶忌之名何居白澤圖曰水之精名慶忌狀如人乘車蓋一日馳千里以其名呼之則可使入水取魚慶忌本水怪名也塔為厭勝而設明矣康熙三年塔壞忽傾小塔數千枚左右率番字環繞土人不解其故余為考元史紀事本末元時西僧作擦擦者以泥作小浮圖或十萬二十萬以至三十萬又常造浮屠二百一十有六實以七寶珠玉半置海岸半置水中以鎮海災據此則慶忌塔者乃元釋楊璉真伽輩造之鎮壓水怪而中間所藏小塔乃擦擦類也後人緣錢唐有吳慶忌宅基偶以字同而訛為慶忌瘞骨之所云又云慶忌塔今俗呼為壺瓶塔者是也或云棋盤山上如方石名為慶忌塔非吳農祥曰志伊言慶忌非吳公子是矣言小塔為西僧擦擦則非也按吳越國王錢弘俶造入萬四千寶塔其制高六寸重三



十五兩刻曰吳越國王錢弘俶造入萬四千寶塔  
乙卯歲記又塔四面脚下各有寶字則非元僧造  
矣且巨石山有兩塔  
形式相同可證也

菩提院

在錢塘門外後併入昭慶寺

〔西湖遊覽志〕本錢惟演別

墅捨以為寺〔咸淳臨安志〕太平興國二年建名惠

嚴七年改賜今額建炎間燬先是寺僧募良工孔

仁謙作大悲像千手錯出不能盡布夕夢沙門語

曰何不分形於寶燄之上如其言而像成迨乾道

間僧彬再以命工亦難之有媪在旁道之至淨池

像忽現水面一晤而媪已失矣乃創閣安焉寶慶

三年恭聖仁烈皇太后賜錢重建殿淳祐六年重

建千佛閣舊有堂二曰南漪迎薰軒五曰澄心涵

碧璿瑜玉壺披顯今皆不存

菩提小軒

周紫芝菩提小軒驟雨晚晴詩杭穎雌  
雄本自殊淡粧濃抹是吳姝滿傾漲玉

千鍾酒來看鎔銀百頃湖白鳥去邊山潑黛綠蒲  
疏處雨跳珠不知能事王摩詰貌得西山落照無

九曲法濟院

在錢塘門外久圯

〔咸淳臨安志〕乾德元年錢

氏建舊名觀音治平二年改賜今額燬於建炎創

於紹興己未有明軒爽軒今不存

普潤寺

在錢塘門外久圯

〔成化杭州府志〕宋淳熙元年有



成大師捨地以建元末燬武林梵志萬曆戊申圓果禪師募化重新

寶勝院在石函橋西久圯咸淳臨安志乾德五年吳越王

建舊名應天治平二年改今額

洞明禪菴在石函橋久圯咸淳臨安志咸淳六年朱端卿

捨宅爲菴僧嗣源實經始之頗得湖山之勝

精進院在溜水橋東久圯咸淳臨安志開運元年建舊名

精修治平二年改今額充北蜡齋宮

清心寺在石函橋久圯咸淳臨安志舊名湧泉天福五年

建治平二年改今額對寺門有湧泉

多寶院在寶積山久圯咸淳臨安志開運元年錢氏建舊

名寶積治平二年改今額舊有綠陰堂

保叔塔崇壽院在寶石山武林梵志一名聖壽禪寺咸

淳臨安志舊有應天塔極樂菴成化杭州府志吳

越王之臣吳延爽者建塔於山之上附以佛廬宋

開寶初賜額曰崇壽院咸平中僧永保修因名保

叔塔元延祐中燬僧可周重建至正末燬徐一夔重建寶

石山崇壽院記杭之西湖其山自天竺支分而來傍湖行四五里許至東北隅而止其勢磅礴縮而



不去又有浮石大徑數百圍號落星石吳越錢氏  
 有國時封山為寶石山錢氏之臣有吳延爽者往  
 東陽請善導和尚舍利建淨屠九級附以僧坊人  
 稱為寶塔院宋開寶初始賜額曰崇壽咸平中僧  
 永保有目管誓修寶塔以還光明化緣城府十閱  
 寒暑市人咸以師叔稱之塔既完人因呼為保叔  
 塔茲山以塔益勝故皆稱塔而不稱寺紹興末塔  
 復就摧有洪濟師重修完之延祐中塔寺併燬院  
 僧法周可復大加興修相輪斬絕上摩霄漢星鐙  
 露鐸輝聯響接飛樓湧殿架巖溢壑氣色青紅佛  
 菩薩天人之像設珠纓寶鬘前後布護異香淨供  
 晝夜燃列俯視下界湖光一碧朱簾畫舫歌鼓往  
 來其外民廬櫛比紅樓翠閣參差掩映畢獻於眉  
 睫之下至者忘返至正末兵燹大作塔與寺又燬  
 有大善知識曰慧炬師發弘願募檀那圖復舊  
 觀其同袍似蓀慧滿相與經畫文刑可祥可達善  
 開廣能崇政等協力以濟先建寶塔殺二級為七  
 其地加廣次作佛殿作東西廊作上下山門以及

西方三聖殿尊事之像嚴奉之具甫兒如式而師  
 化去至於尊祖有室飯僧有堂憩客有寮以及經  
 鐘之樓庖湍之舍則其同袍成之異時南北兩山  
 名藍巨刹金碧相映號稱佛國今皆化劫灰茲山  
 雖占奇麗較其規模固不能與被埒也一旦觀  
 茲殊勝如舊願不偉歟炬師字照菴錢塘人  
 湖遊覽志塔門舊有張卽之書湖山勝槩四字今  
 移置淨慈寺成化間燬弘治間僧可勝重建一夕  
 大雷塔漸廢正德九年僧文鏞重建又築西方殿  
 於塔後挹涼亭於山下嘉靖元年塔燬二十三年  
 僧永果重建又有全真號浪滔滔者亦與協力故  
 能飾復舊美王炎慶元丁巳九日登保叔塔詩湖  
邊老石立巨鼇背負浮圖千尺高升



高望遠天界闊海山江樹皆秋毫蓬萊藏室極清  
 靜雖有暇日無遊遨不應令節亦虛度特為黃菊  
 觴新醪樽前一笑豈易得身涉百憂今二毛茲游  
 回首便陳跡事如逝水流滔滔明年九月定何許  
 未用感慨增煩勞半生隨牒落州縣暮年結綬來  
 神皋去留聚散偶然耳且覆一杯持螯蟹錢惟善  
 保叔塔晚逾青鑿屋岩藏雨黏崖石墜星下看湖上  
 江樹晚逾青鑿屋岩藏雨黏崖石墜星下看湖上  
 客歌吹正沉冥張羽保叔塔院詩赤闌間倚化人  
 宮湖上春陰望不窮百尺樓臺空相外萬家城郭  
 雨聲中齋房漏滴蓮花水講殿經翻貝葉風自笑  
 世緣心似石擬焚香炷問生公鄧林登保叔塔詩  
 碧嶙峋上挂青藜更躡凌空百尺梯越海一泓杯  
 勺小吳山數點鬢髮低乾坤俯仰今非昔烏兔循  
 環東復西笑問從遊年少者慈恩雁塔幾時題沈  
 周保叔寺詩寶石岩巖巖聳梵宮古城西畔亂山東  
 熒熒高葉丹林露嫋嫋遊絲翠壁風下界行人映  
 松竹半空飛鳥拂簾櫳故邨迢遞獨登塔煙水長

洲一望中張靈再遊寶所塔詩負郭岩扉敞石壇  
 上方門徑繞層巒樓觀海日夜先曙竹引湖風夏  
 亦寒林外歌聲泉出谷水中人影釣場  
 竿何常雪月烟花候來共山僧信宿看  
 謹按湧幢小品云杭州有保叔塔因倣入朝恐其  
 被留作此保之稱名者尊天子也今誤為保叔又  
 罪雪錄云寶所塔俗誤為保叔塔謂嫂造此塔期  
 冥福以庇小郎薄喙之徒附會厚誣如此二說各  
 異西湖遊覽志既載保叔建塔之事又沿襲寶所  
 之名是徒取其名之新而不覈其事之實今併塔  
 於院復稱保叔者仍  
 咸淳臨安志之文也

兜率寺

在寶石山

咸淳臨安志顯德二年錢氏建宣和

初燬以其地為副將廨舍有僧思淨俗姓喻善畫  
 彌陀悟筆法之妙世號喻彌陀就多寶山剡石為



彌勒像至七年聖相成因移請兜率寺舊額為寺

楊萬里晚出兜率寺送許耀卿詩二首天竺興雲線許長須史遮盡眾山蒼何如洒作千峰雨乞與都城六月涼兜率山深露氣清柳陰暗處藕花明無端拾得閒煩惱背却西湖又入城

大佛禪寺在寶石山麓咸淳臨安志陸羽武林山記云

自錢塘門至秦皇纜船石為西石頭宣和中僧思

淨就石鑄成大佛半身淳祐七年趙安撫與慧重

修舊有二尊殿臨湖就石琢一佛與院相近成化

杭州府志石佛飾以黃金仍構穹殿覆其上名曰

大佛頭其寺遂因以名西湖遊覽志元至元間院

燬明永樂間僧志琳重建敕賜為大佛禪寺弘治

四年僧永安重修寺畔有塔俗稱壺瓶塔乃元時

西河僧所建張時徹大佛寺詩碧水映招提相過碧草齊殿頭巢鶴鶴松頂掛虹霓竹

密難窺戶花開自作蹊高人能習靜為借白雲棲

國朝順治年開重修

相巖寺在寶石山麓久圯咸淳臨安志天福七年錢氏建

舊為十三間樓石佛院治平二年改賜今額淳祐

三年重建

智果禪寺在葛嶺上寶雲寺西咸淳臨安志開運元年錢氏



建元祐中守蘇文忠公重建法堂有題梁有參寥

泉僧道潛號參寥子初住智果寺會者十六人用

圓覺經以大圓覺為我伽藍身心安居平等性智

分韻賦詩西湖遊覽志舊在孤山宋紹興間徙築

北山有泉適出寺後好事者仍名參寥泉以志舊

蹟元末燬明洪武初僧可祥惠炬重建其梁蓋子

瞻手書自孤山移置者徐一夔重建智果院記智

上後晉開運元年吳越王錢氏建宋元祐中蘇文

忠公守杭初公在黃州時夢中有石泉槐火一時

新之句及遊智果境與夢符公與參寥子有道契

遂延住茲院參寥子者吳僧道潛號也有戒行而

韻賦詩號稱一時盛事錢塘素多巨刹智果實最

爾寺而名聞四方者地以人勝也至正初予過葛

嶺嘗遊焉遵坡陀而上竹樹茂密晴霏撲體抵於

寺門振衣南眺澄湖一碧朱簾畫舫歌鼓相應頃

之循左廊而上殆半側出十許步有泉在石罅其

色紺寒則公夢中詩所道者其上祠公與參寥

子之肖像在焉返自泉所道左廊欲盡磴道陞至

於法堂有木板厚不盈尺廣四倍之長可三十尺

橫置几上其膚署曰元祐五年歲庚午二月辛卯

朔二十五日乙卯上梁蓋初作堂時上梁公為誌

其歲月貼置棟脊此其手墨也堂已改作後人以

公遺墨故度之葛嶺去城伊邇王師略浙之歲城



人足任起廢盍往請之祥聞之亦欣然首捐衣鉢  
 為之倡而募好施助其不足中作寶殿塑觀音大  
 士像朱纓寶鬘莊嚴端好翼以兩廊繪七難二求  
 三十二應於壁極幻化之態前為三門而金剛神  
 列於兩旁石泉之上仍為祠堂以奉公與參寥子  
 至於庖福等室亦無不具不三四年予再過之變  
 瓦礫之區為金碧之宇舊觀儼然孰謂起廢之  
 不在其人乎祥字雲屋自幼出家於崇壽院

塘縣志未幾又燬僧實菴復成之蘇軾以參寥上

會者十六人分韻得心字詩漲水返舊壑飛雲思  
 故岑念君忘家客亦有懷歸心三間得幽寂數步  
 藏清深攢金虛橋塢散火楊梅林茶笋盡禪味松  
 杉真法音雲崖有淺井玉體常半尋遂名參寥泉  
 可濯幽人襟相攜橫嶺上未覺衰年侵我替釋道潛  
 湖萬象涵古今願君更小築歲晚解我簪釋道潛  
 得以字韻詩泰山屹天下四海同仰止我公命世  
 英突兀等於足曾中廓秋漢皎絕微雲滓當年事

危言軒冕如脫屣正貴知我希  
 果再符六翻排空起一昨厭承明抗章求迺邇餘  
 杭古雄藩比屋富生齒立談政即成興不負山水  
 雍容敦末契訪我頑且鄙大飾輝松門禽猿亦驚  
 喜森森門下士左右粲珠履使君道德資圭角非  
 所恃軟語如春風薰然著桃李今朝真勝事千載  
 足遺美安得筆如椽磨崖為公紀又卜居智果寺  
 詩二首偶來湖上緝衡門桐長修柯竹有孫引策  
 每從佳處去望雲橋下是西村青燈殘篆夜寥寥  
 門外秋風振葦蕭慚愧高人能見憶為予西望立  
 溪橋仇遠智果寺詩獨逕蒼苔引瘦筇牆陰修竹  
 碧玲瓏青山猶及見坡老小雨何須問社公雲冷  
 石藏烹茗雪日長門掩落花風定  
 知神扈題梁字不與當時劫火同

國朝順治年間重建

治平寺

在錦塢西久圯

咸淳臨安志

建炎初僧法聰建錦



塢庵紹興二十一年移請今額寺有閣面揖孤山

扁曰煙雲徐逸書眠治平寺詩頻年遊覽不暫寘野艇往來無水程雨休最好是鷗浴風

靜更清聞鶴聲酒家新熟欠前帳僧榻借眠餘宿醒嵩高泰華未掛眼鬢影蕭颯難為情

玉清宮在錦塢西咸淳臨安志紹定元年降錢造

移賜今額崇奉寧宗皇帝恭聖仁烈皇太后神御

理宗御書玉清之宮以賜

瑪瑙講寺在寶雲山咸淳臨安志開運三年錢氏建治

平二年改賜今額寺舊在孤山紹興二十二年以

其地為延祥觀而徙寺於葛嶺之東紹定六年剏

高僧閣淳祐八年趙安撫與憲重建成化杭州府

志元末燬永樂間重建陳俞爾後過瑪瑙寺詩借屋傍精廬無事數來往披

草通前流刻樹記筭長微風四山落小立領松響詎名息諸緣暫喜脫塵網

寶雲寺在瑪瑙寺西咸淳臨安志乾德二年錢氏

建舊名干光王寺雍熙二年改今額舊志有寶雲

菴清軒月窟澄心閣南隱堂妙思堂雲巢樓皆不

存郭祥正寶雲寺詩有客學無心菴雲結寶陰松風深夜起時作老龍吟

雲巢樓張雨雲巢樓詩初陽臺上白雲多雲裏層層玉樹歌棲息一枝綠未穩飛翻千仞柰

危何雨中幕燕雷驚起峯頂笙鸞月送過好在丹梯無百尺屋頭看盡白鷗波



招賢律寺 在葛嶺 咸淳臨安志 禪宗院 唐德宗朝郡

人吳元卿為六宮使 棄官參烏窠禪師 建菴修道

即會通禪師也 開運三年 錢氏建院 原名招賢治

平二年 改今額 寶祐三年 重建法堂 成化杭州府

志 元末燬 猶存古殿

國朝康熙十五年 僧起綱 重建名清隱菴 吳允嘉寒食

部清隱菴雨坐詩 清明猶未過 先與訪參寥 話久

分泉味寒深 乞酒瓢竹房 論舊雨 藥徑數新苗 更

約賢兄弟重來坐石橋 福地院 在葛嶺西元 至正末燬 成化杭州府志 宋賈似道故

第僧滿月 即其地 建院 大德二年 雪菴李溥光 被

旨來南開山 闡教 重建僧坊 題曰 頭陀福地

涵青精舍 在葛嶺上 錢塘縣志 康熙丁未 沈曷 沈蒞 何

舟瑤等 建為惜字公所 沈名蓀 涵青早望詩 終宵

濃雲放千山 亂鳥嗁樹光 搖日大江 清不寐 曉起在樓西 幾處

寶嚴院 在葛嶺上 久圯 咸淳臨安志 後唐天成二年 錢氏

建舊名垂雲 治平二年 改今額 元豐中 僧清順 作

垂雲亭 又有借竹軒 秦少游曾宿此軒 夢天女 以

維摩求讚 淳祐三年 理宗賜僧智光御書 晦菴二



字續建佛閣賜御書無量福海四字

垂雲亭 蘇軾僧清順新作垂雲亭詩江山雖有餘

哉垂雲亭此地得何晚天工爭向背詩眼巧增損

路窮朱闌出山破石壁很海門浸坤軸湖尾抱雲

巘蔥蔥城郭麗淡淡煙村遠紛紛鳥雀去一一漁

樵返雄觀快新獲微景收昔遯道人真古人嘯咏

慕嵇阮空齋臥蒲褐芒屨每自掘天憐詩人窮乞

與供詩本我詩久不作荒澁旋鋤墾從君覓佳句

咀嚼廢朝飯陳襄寶嚴院垂雲亭詩小亭巉絕出

雲間萬象升沉不得閒莫怪詩翁頭白早時來向

此寫湖山沈遯垂雲亭詩老師有意出人閒便學

垂雲也未閒帶雨有時歸北嶺隨風依舊過南山

壽星院 在葛嶺 咸淳臨安志天福八年建有寒碧

軒此君軒觀臺孟泉東坡皆有詩寺有坡公祠西

湖遊覽志有靈泉平秀軒明遠堂 蘇軾次韻周長

魯少卿詩琉璃百頃水仙家風靜 官壽星院同餞

歷疏松欹晚照伶俦寒蝶抱秋花 困眠不覺依蒲

褐歸路相將踏桂華更着綸巾披 鶴斃他年應作

畫圖誇晁以道壽星院詩石磴插 青雲禪宮入渺

冥歸雲侵客座流水亂松聲天近 月逾白竹多山

更青從來邱壑志不獨付孫登鄒 浩壽星院觀竹

詩祇園寂寞巖高材自有鸞鳳接 翅來回首壺觴

散桃李日斜風動使人哀周紫芝 次韻子東湖上

雜書壽星寺詩上方重閣到雲天 一落天星今幾

年不見老坡寒碧句滿林風玉自 蒼然胡助壽星

院詩窗扉寒碧靜娟媚野衲何知 此勝

緣獨立移時清思極直疑修竹是 坡仙

寒碧軒 蘇軾寒碧軒詩清風肅肅搖窗扉窗前修

人衣日高山蟬抱葉響人靜翠羽穿林飛道人絕

粒對寒碧為問鶴骨何緣肥周紫芝次韻子韶遊



壽星寺寒碧軒詩好竹連山萬壑青落星天近接  
 飛甍流杯共把人須勝風玉相看眼倍明故老舊  
 遊雲已散孫郎長嘯鳳重鳴閒來  
 卻倚朱闌看蒼雪依然入句清  
 此君軒蘇軾此君軒詩臥聽謾謾碎龍鱗俯看蒼  
 蒼立玉身一舸鳴夷江海去尙餘君子六

千人

觀臺

蘇軾觀臺詩三界無所住一臺聊自寧塵勞  
 付白骨寂照起黃庭殘夢風中嫋孤燈雪後

青須防童子戲  
 投瓦犯清冷

明遠堂

車垓明遠堂詩十年不向此凭闌景象依  
 然一望間龍蜃吐雲天人水樓臺倒影日

銜山僧於僻寺難爲隱人在扁舟未是  
 閒孤鶴似尋和靖宅盤空飛下復飛還

四聖延祥觀

在葛嶺舊  
 在孤山

咸淳臨安志舊四聖堂四

聖者道經云紫微北極大帝之四將曰天蓬天猷  
 翊聖真武先是顯仁皇太后繪像事甚謹高宗以  
 康邸北使將行見有金甲四人執弓劍以衛者紹  
 興十四年慈寧殿斥廢建觀凡古佛刹如寶勝報  
 恩智果廣化之在此山者皆他徙十五年內出神  
 像奉安斷以沈香二十年詔復東都延祥舊名殿  
 曰北極四聖之殿門曰會真之門又三清殿曰金  
 闕寥陽法堂曰通真皇帝元命閣曰清寧皆理宗  
 御書藏殿曰瓊章寶藏孝宗御書慶元四年起居



郎張貴謨為記

張貴謨所記

城則左右領二元帥

中撫四聖護國福民

閣太宗立家堂元真

宗於內庭為神報祠

自靖康之變歲在丁

繪四聖像以行至紹

語及北方嘗夢見所

云二送聖君還南朝

旨持二太后書達南

大王奉使時我與那

人帶甲執戈者四眾

此必神佑可以此言

司所繪像奉安於慈

擇地建四聖殿兩廡

像於殿至戊辰顯仁

堂於殿北庚午復在

觀事置道士二十一

建寺以安僧徒又以

殿以奉三清四帝至

樓及本觀所造輪藏

食不翅干指朝廷積

觀址周圍七百餘丈

踞湖波回環增卑改

高下崇欄四注堂殿

天方袍之士委蛇於

觀東有通谷穹岫擣

接果華四時吐芳而

寮如西廂清靜之居

日供酌獻奉精饗自

靈效益著增光在昔

西湖遊覽志元初楊

州府志以武林水門



正丙申燬於兵其地又入於軍營後遷於葛嶺王

四聖延祥觀詩羽衣引我度松關借得湖山一眼

看去棹來撓皆物役箇中惟有白鷗閑俞桂延祥

觀詩御園猶自有連梅約束遊人莫肯開聽得老

兵談舊事幾年不見翠華來趙汝迂四聖觀納涼

詩琳宮暑自薄短簟逸人眠樹繫來時馬風移聽

處蟬藥童清入畫道十默如禪忽憶山中雪瘦梅

逋老阡高似孫四聖觀詩水明一色抱神州雨壓

輕塵不敢浮山北山人喚酒春前春後客凭樓

射熊館暗花扶辰下鵠池深柳拂舟

白髮邦人能道舊君王曾奉上皇遊

嘉德永壽講寺在葛嶺西虎頭岩 成化杭州府志

宋理宗時秦國夫人毛氏既耄結庵於此卒就葬

焉遂即庵為寺寶祐癸巳賜是額以夫人有柔嘉

淑德之封號也葬之明年有芝生墓側因名丈室

為芝岩前有放生池建堂於上曰翔泳有閣曰寶

莊嚴至正末燬洪武間重建

翔泳堂白挺翔泳堂酒中詩壞辭度得雪兒歌濃

墨斜書碧玉柯醉折芙蓉薰酒盞裏湖涼

鳳林禪寺在葛嶺西俗稱喜鵲寺 西溪梵隱志唐烏窠禪師

道場也師幼出家詣長安得法歸南孤山永福寺

後抵秦亭山有大松樹盤屈如蓋乃止其上復有

鵲馴擾巢於側時人因以烏窠名之武林梵志宣



德間僧如月重建敕名鳳林寺

徐集孫鳳林寺詩  
鵲巢不見委空枝

透徹機關在險時自後非無禪可問多因險處怕  
人窺釋來復喜鵲寺詩寶網金幢變劫灰瞿曇寺  
裏盡蒿萊鳥窠無樹山  
夔泣不見談禪太傳來

定業院

在葛嶺  
西久圯

咸淳臨安志唐元和元年刺史裴

常棣建有環峰堂襲夢軒今不存

報恩院

在定業院  
側久圯

咸淳臨安志開寶七年錢氏建

舊名報先在孤山治平二年改今額紹興二十一年以其地為延祥觀徙此

妙智菴

在栖霞  
嶺久圯

咸淳臨安志開寶四年太尉張公

建舊名報恩觀音院治平二年改今額西湖遊覽

志即牛皋香火院

宋伯仁妙智菴詩結屋古山顛  
源流未有年便非真隱者且喜

得安然石洞雲同臥茶鐺客對  
煎我來聊小憩詩滿夕陽天

褒忠衍福寺

在栖霞嶺下  
今為忠烈祠

咸淳臨安志元係智果

觀音院嘉定十四年旨撥充岳忠武王功德院仍以褒忠衍福禪寺為額西湖遊覽志宋亡寺廢王之六世孫在江州者名士迪與宜興岳氏合力起之未幾復廢至元開天台僧可觀者訴於官鄭明德為作疏杭州經歷李全重興之

鄭元祐重修褒  
忠衍福寺疏伏



念故宋贈太師武穆岳鄂王忠孝絕人功名蓋世方略如霍嫖姚不逢漢武徒結志於忘家意氣如祖豫州乃遇晉元空誓言於擊楫賜墓田栖霞嶺下建祀祠秋水觀西落日鼓鐘長為聲寃於草木空山香火猶將薦爽於淵泉豈期破蕩子孫盡壞久長規制典祊田墮佛宇春秋無所烝嘗塞墓道毀神棲風雨遂頽廟貌鶴鷗夜啼拱木躑春開斷垣淚落路人事關世教蓋忠臣烈士每詔條有致祭之文豈狂子野僧攬國典出募緣之疏望明有司告之臺省冀聖天子錫之珪璋褒忠義在天之靈激死生為臣之勸周武封比干墓事著遺經唐宗建白起祠恩草異代下均士庶咸共見聞方回復業記岳鄂忠武王之歿後二十一年紹興壬午以禮葬於錢塘縣栖霞嶺世稱曰岳墳王之孫吏部公甫尚書公珂叔祠曰忠烈寺曰褒忠衍福置土田房餼以贍其眾邇歲乃有寺僧與其後之為僧者蕩無戒律墳荒寺廢業屬他人大德五年辛丑岳氏之長彭澤令适俾其姪前廣濟尉宗自

九江來任復業之責宗人之居宜興者前武學生立武及其姪龜山長浚供其費遂盡復墓與寺之舊初僧之竊售於人也得中統鈔五十五錠今復增甘錠而贖之營繕之費又不與焉是役也重修瑩事者江州路報恩寺住持門僧德純也忻然退贈無難色者西番沙迦偏院使也汲引而左右之者嚴德昭梁羅赤瑛吉祥也協力以迄於成者上舍君之伯姪也劬瘁五載忘家以集事者廣濟君也偕來求記友人桐江邵君宗偉以屬紫陽方回者也若復業之詳則官有案牘寺有榜據此不書大德九年乙巳中元日記

**成化杭州府志再廢洪武初正祀典**

即寺之地建王廟祠詳見祠宇

護國仁王禪寺

在埭籌塢

咸淳臨安志

初慧開禪師休

糧禪定於隆興黃龍峯頂自是所至禱雨輒應孟



少保琪為捐金買地建寺淳祐五年賜今額七年  
 京師亢旱有旨宣入選德殿演說雨隨至既還山  
 又遣內侍問何時霑足開對以寂然不動感而遂  
 通是夕雨如傾上大悅賜佛眼禪師錫賚甚渥寺  
 後有龍洞澄深不可測八年鄭丞相清之躬禱而  
 雨賜護國龍祠額未幾錫封侯曰靈濟寶祐六年  
 撥賜平江官田三千畝西湖遊覽志元至正末燬  
 洪武初僧祖吉重建錢塘縣志嘉靖間僧明貴重  
 修周文璞歸憩仁王寺詩重到招提未覺遲鉢單  
 初副袷衣時僧房齋院門門閉梅子枇杷樹樹

垂蟻蔭經幢求託化龍纏佛座學慈悲  
 長年無事閒來此坐對空山諷小詩

天龍菴在埽第  
 塢久圯

咸淳臨安志嘉定五年禪師慧開

見山間有紫氣如蓋結庵其處嗣秀王師彌捐金  
 為增廣之參政樓鑰書天龍二大字

永安院在埽第  
 塢久圯

咸淳臨安志淳熙間僧道恩建為

觀音菴慶元二年發地得石幢有永安寺名廣順  
 三年歲次壬子二月丙午日建就請為額嘗以奉  
 吳秦王香火院有小圃亭曰清芬

長慶院在埽第  
 塢久圯

咸淳臨安志崇奉祠山大帝舊係



華嚴菴紹興四年請賜今額  
淳祐四年趙安撫與  
憲增建寶閣

淨性禪寺

在掃帚塢西

〔西湖遊覽志〕宋乾德五年吳越

王建名淨心院大中祥符間改今額  
元末燬國初

重建

邵經邦遊淨性寺詩庭心千橘舞秋風碧刺青梢兩院通斜月石林開咫尺淺陰松徑入

玲瓏天邊聞鐸情難定閒裏逢僧話未終粗糲不辭香積供短筵村酌小軒中

淨勝院

在履泰鄉久圮

〔西湖遊覽志〕俗稱昇僊宮宋時女

僧妙清建高宗常臨觀焉有御愛松

沖虛觀

在履泰山麓久圮

〔咸淳臨安志〕紹定中建名靈壽

菴淳祐六年移請今額  
寧宗宮人張氏為尼建此

佛光福壽院

在履泰山麓久圮

〔武林舊事〕旌德寺子院咸

淳臨安志原係小菴移請今額  
嘉定十七年法師

如坦請為塔院恭聖仁烈皇太后賜錢重建  
寧宗

御書桂堂二字扁之丈室

不空院

在履泰山麓久圮

〔咸淳臨安志〕不空院廣順元年

吳越王建舊名傳經治平二年改今額

敕賜清漣寺

在青芝塢即玉泉寺

〔咸淳臨安志〕南齊建元中靈

悟大師曇超開山卓菴講經演法  
天福三年始建



寺名淨空院淳祐十一年理宗御書賜玉泉淨空

之院六字咸淳三年重修五年省劄撥賜官田三

百畝有奇周棟開山尊者記錢塘靈苑山屹立西

師卓菴演經龍君遠來聽法又為師撫掌出泉若

珠林勝迹記若高僧傳僧史具於沙門載籍者四

富春二志臨安新志見於府縣紀述者三其說大

槩不殊此事實所由始也寺建於晉天福三年其

始名淨空今天子賜御書敕額加賜玉泉二字師

舊稱南齊尊者嘉定始賜今號嘉應公即發泉龍

君也淳祐始賜今封廟額嘉泰初賜靈泉嘉定改

賜仁惠嘉熙又改賜神運此爵號次第也淳祐戊

申內出金錢增屋二十楹於是靈悟有祠堂龍王

有像殿守僧更易不常規制隨圯府尹趙公與憲

極力外護奏仍甲乙住持之舊儀曹為之符下公

府寺無常產淳祐庚戌始撥賜官田若干畝此寺

計大略也政和間有旨與上竺同免科需今俱為

御前雨陽祈禱第一所惟上方時有錫賚他無所

仰焉師夙具道器為天人師禪定累日不起入山

獨處虎兇循伏宋大明中奉詔往遼東宏讚禪道

始遊靈苑說法有老人來聽請曰我龍也世居富

春鹿山昆弟五人我為長去冬邑民鑿山陶甓侵

我室廬羣龍怒而不雨今累月矣諸弟不從吾言

願師一往化之師謂此菴亦無水汝能致之乎老

人撫掌而泉出今寺西南有泉擊聲如珠纍纍而

湧上瀦為前後二沼是也大旱不縮巨浸不溢魚

數百尾泳其中空明可鑒毛髮師將行龍感富春

官吏來迎師離靈苑雨隨注至觀山結壇浮舟而

霧洽龍為師結菴靈岩峻不能陟化為白馬載師

以登今石上馬跡岩沼蜴蜥之類存焉嗚呼靈矣

哉師諱曇超清河人來靈苑時諸公皆以為南齊

之建元僧史以為宋孝武之大明此從其眾者

萬曆杭州府志元末燬宣德間重建武林梵志萬



曆間錢塘令聶心湯重修有晴空細雨扁方伯寶

公供書王在晉重修玉泉寺碑記杭之有玉泉介

塘一鑑照人眉目魴鯉文鱗浮沈出沒悠然自適

有客投餌魚即受餌汲水不驚觸人不避夏不知

暑寒不知冰魚之與水忘也見者亦忘其為魚與

水也寺以泉名轉折而為方丈則甃石為平橋小

澗噴珠飛沫滴如荷露灑如玉屑苔藻相染水入

深藍與青旻一色往自南齊建元靈悟大師曇超

卓菴講經有老人於菴前撫泉自湧出泉名撫

掌又曰細雨淨空名院創於五代宋理宗皇帝御

書玉泉淨空錫額寺重葺於咸淳間元末燬本朝

宣德重興歷年二百所矣萬歷二十八年織造內

監係公整其頽圯而住僧性科募金鳩工法宮梵

宇益增勝焉余乃為記勒石志之張時徹玉泉寺

詩紺宇瀦澄碧青雲覆石渠穿崖驚宿鳥撥藻數

遊魚掃榻霞扉敞藏經石室虛山僧知愛客碧草

不教除王世貞玉泉寺詩寺古碑殘不記年清池

媚景且留連金鱗慣愛初斜日玉乳長涵太古天

投餌聚時霞作片避人深處月初弦

還將吾樂同魚樂三復莊生濠上篇

國朝康熙三十八年三月

聖祖仁皇帝南巡幸寺

御製玉泉有五色魚賜名清漣寺詩

錦鱗游泳漾波紋隱藻穿蘋暗作羣濠濮會心原不遠

清漣題額與傳聞

賜御書金剛經一部大士像一尊雍正六年總督臣李衛

重修并建洗心亭

李衛重修玉泉寺碑記相傳玉泉自南齊高僧說法此地龍王



來聽撫掌湧出故初建有龍神祠而其事怪誕未及深考但按泉在青芝石版九里松之間山田數千畝俱資灌溉其利澤所被亦云普矣且以一鑿方塘清涼湛澈就中文鱗魴鯉五色爛然非躍非潛以恬以適直欲與水相忘於終古殆亦泉之靈異所涵育而變化者耶晉天福間於泉左建有淨空禪院南宋理宗曾親書額明萬曆時以寺廢重修復扁晴空細雨等書而嗣後景色踵事增華矣康熙四十二年

**聖祖仁皇帝南巡江浙**

**駕幸玉泉**

特賜宸章兼及金經法像尤為亙古曠典煥然更新乃更閱二十餘年寺宇漸復頽壞衛膺特命節鉞是邦適以勸農所經少憩泉次則見圯梁敗壁蔓草荒煙不覺心憫會有鹽政承役暮年無子家計頗饒猶不悟積非倚老玩法爰着整修以贖罪戾焉其工起於戊申仲夏成於孟冬法殿講堂迴廊曲檻無不綯采庶幾足以珍藏

**御書輝映**

清漣而建亭泉際顏曰洗心蓋從來官吏其貪庸不職者大率心先汙也惟不能洗濯斯終於難潔似茲泉之澄清宛在雖鱗蟲至蠢猶知動中取靜以自修飭何況於人其可竟忘戒除耶自有此亭臨於泉上吾願登斯亭者因礪溪之一曲擴靈慧之天懷即魚水之相忘戒形神之誤用其或見地光明襟期曠遠則憑闕寓日當不啻冰心之映玉壺否則氣習未除舊染仍在急宜以鑑形者鑑心還以自鑑者自洗庶幾心之察察不終受物之汶汶乎夫如是而茲泉利益固不僅可以供遊覽并不僅為南畝助豐登為西來增淨土也而當年泉湧果原於撫掌與否何必深論哉衛於江浙忝有統率文武之責故因記寺泉而并為官守者勸雍正戊申十一月

**顯明院** 在青芝塢久圯

**咸淳臨安志** 廣順二年吳越孟謙

建舊名興福保清大中祥符元年改今額舊志有



鑑空閣綠靜堂今廢

鑑空閣

蘇軾和黃秀才鑑空閣詩明月本自明無心孰為境掛空如水鑑寫此山河影我觀

大瀛海巨浸與天並九州居其間無異蛇盤鏡空水兩無質相照但耿耿妄云桂兔暮俗說皆可屏我遊鑑空閣缺月正凄冷黃子寒無衣對月句逾警借君方諸淚一沐管城穎誰言小叢林清絕冠五嶺

謹按此詩公嶺外作咸淳臨安志載此今姑仍之

萬安院

在青芝塢久圯

咸淳臨安志天福七年錢氏建舊

名清化永安治平二年改今額

慈聖院

在青芝塢元末燬

咸淳臨安志乾祐元年錢氏建

舊名慈雲治平二年改賜今額

普向院

在青芝塢久圯

咸淳臨安志開運元年錢氏建紹

興中殿帥楊存中請移建北山青芝塢專充殿司

諸軍瘞所令僧主其香火

王希呂普向院記紹興十六年朝廷以西湖之

陰隙地三百弓為殿前十三軍之塋地創立精舍為薦拔之所遷南蕩之廢寺曰普向者榜其上從故太傅楊王存中之請也乾道八年住持僧法干言茲寺之建諸軍之士生死蒙福獨其主帥屢更敷陳不時故賜額缺焉深恐歷日來久本末之不一誠不可緩者敢以為請今殿帥節使王公友直即以其事聞於是旨賜以愍忠資福普向之額法干既以敕牒刊之堅珉又筆其大槩使來請文希呂與干同時杖策而南者義不可辭昔先王之治天下其紀綱法度所以維持天下者甚殷若其政理則本諸人情孟子以養生送死無憾為王道之



始此之謂也本朝寢兵措刑著為家法今和我戎有  
 年邊塵不驚六軍之士安居而飽食而且賜之葬  
 地守以僧舍錫以美名恩深漏泉德施罔極夫禮  
 尚往來事有施報往而不來世無是理將有入是  
 寺讀是文者灼然知聖人廣大之德而潛有以發  
 其忠孝慷慨之心以篤於施報往來之義異日摧  
 城陷陣立非常之功以上報非常之恩必有其人  
 矣陳慥遊普向院詩十首西湖西岸三百寺一  
 題名嗟未能他日誅茅追勝賞卻尋詩版驗吾曾  
 一老昂藏物外高陳陳胸次盡龍韜功名未療湖  
 山癖卻着袈裟替戰袍青林果熟星宿爛修竹風  
 來環佩鳴翠影扶疏僧宇靜吟餘屋角見雲生藿  
 鹽未必劣僧蔬塵裏日光陰易破除他日摩肩霄漢  
 上卻須此室與藏書日冒風埃鬢脚黃歸懷緜  
 龍蛇石刻新夔州十絕典型存鵝溪為卷湖山去  
 擬與詩人到處論遠近僧垣共白雲蕭然不着世  
 閒塵朝參夜講庸何計野飯山棲已可人處士前

身是水仙天教清句紀山川即今秋菊寒泉意雙  
 鶴飛來若個邊崇岡回首路縈盤夕照明邊小凭  
 闌船閣淺沙催客上玻瓈影裏見長安行穿老檜  
 干尋影歸受涼荷十里風從此勝遊縈客夢夢隨  
 黃鵠下  
 雲空

天清宮

在青芝塢久圯

咸淳臨安志

女冠冲靖大師沈師

謙建寶祐五年移請今額任士林天清宮記宋寶祐冲靖大師賜紫沈師  
 謙築菴於錢塘縣靈峰之南以庇修真之徒恭定  
 公廬府君實資施之始改作請於朝賜額曰天清  
 宮未幾恭定公薨師謙之徒眞靜大師羅道清通  
 微大師胡常淨相與謀景定三年壬戌闢基築畫  
 堵制請於恭定公之子御帶公原深慨然曰吾先  
 君志也其可以弗成乎凡諸樟杉栝之儲甌甃磧  
 碱之用丹碧綵堊之供委輸畢具越二年殿堂樓  
 閣廊廡山門方丈之居齋庖之宇像設幢蓋香華



之飾鐘鼓之建如地湧天設又明年師謙未克朝夕於新營而羽化矣其徒真妙大師沈元勝實嗣之御帶公復施田為畝四百五十而強山為畝三百而少於是星堦月殿之下雲窗霧閣之間玉珮珊珊籤笈整整不知瑤池翠水之在人世也今住山端靜疑和大師胡正寧曰吾甲乙繩承為第二傳宮事本末不托文以紀金石何以示後人以狀來余遂為之記

資壽院 在青芝塢久圯

咸淳臨安志原係大聖菴淳熙七年移請今額

南禪資福尼寺 在鮑家田久圯

咸淳臨安志尼惠果開山

紹熙元年移請今額景定五年更剏佛殿

安劉建佛殿記

高宗駐蹕錢塘西有湖為羣山圍浸成福地有鮑家田最幽阻間寂以演佛之說為宜自仁師者從

開封來唯茲卓菴導其徒其地猶未寺也紹熙初有果師見謂克增光者會南禪敕賜資福寺以承嗣不任廢乃益自勵祈其額焉主比邱戒墉慧戶潔淨以樂宮掖向之無嫌礙嘉定壬午恭聖仁烈皇后洒翰錫之是名圓菴山門與額對映於是鮑田寺聲洞遠邇緣法充斥而殿屋未颺厥惟弗稱今師德深曰殿以樓像將安之心遠甚獨早夜貶齋累銖寸而圖之斂卷不跡權貴之門力役不强耕作之夫負大木簣密石者不督而程若出神授落成求予記之

靈峰禪寺 在青芝塢後

西湖遊覽志故鷲峰禪院晉開

運開吳越王延伏虎光禪師居之宋治平二年改賜今額俗傳為唐時裴休墓院者非也咸淳臨安志舊有容碧軒今不存武林梵志萬曆初僧散寺



敗僅存殿宇邑人陳善延僧通慧居之寺舊有眠

雲堂翠微閣洗鉢池妙高臺周紫芝晚至靈峰寺詩繡樹千枚與萬枚

靈峰寺裏看楊梅青山行盡且歸去紅子熟時應再來

真覺院在桃源嶺 武林梵志嘉靖三十八年僧伴雲建

神霄雷院在慶化山 成化杭州府志宋咸淳間有道士

陳紫芝自閩來浙卜居茲山後入朝祈禱有感賜

號冲素真人又賜院額崇奉雷神西湖遊覽志六

月二十四日郡人雲集設醮捨資至今不廢王謙神霄

雷院記院在慶化山麓規制雖小而所踞雄峙望之懍然真若雷厲也宋嘉定間陳崇真自閩來樂

其地遂留茲建焉理宗初政聞有道召見命以劍水入布裏有紅露異之遂錫以紫芝號爵真人仍

賜今額中宵九宸道像及列諸雷君操兵以衛嚴神霄府其雪犬在旁而杖戟者徐急捉數於形見

人尤畏事之元初西僧楊總欲更爲佛廬以方媚上於塔藏趙氏御骨故無誰何者犬則爲寢噬之

懼來膜拜即告苦冒皆去仍新以土木焉靈著如此

三藏塔院在臘脂嶺下久圯 咸淳臨安志紹興初三藏法

師法道在城建千佛閣寺爲子院

明真宮在九里松後移建錢塘倉北 咸淳臨安志嘉定中女冠

建寧宗御書明真二字 武林舊事後改爲三藏寺

南資忠報院在九里松久圯 咸淳臨安志初名長壽菴續



充德壽宮張和國墳改賜和國庵慶元六年移請  
今額

普福講寺在臘脂嶺成化杭州府志宋咸淳戊辰天台

僧朋礪募郡人鮑氏建凡八年而成以古廢院大

普福扁請於朝為十方天台教院眉山家之巽為

記趙孟頫重書寺額至正末悉燬重建西湖遊覽

志寺有芝雲臺萬曆錢塘縣志有綠筠坡錫杖山

葛仙井辟芝塔瑞岡塢藥澗橋鄧文原寄住持無

款屏平生我亦悟毘尼天台道在毘陵記廬阜神  
交惠遠師度嶺白雲飛錫處散花清晝說經時西

南峰下龍泓路曾  
記山房舊賦詩

國朝順治戊申重建

天醫院在臘脂嶺久圯西湖遊覽志錢塘名醫朱應軫建

以奉陶吳許三真君殿後為上池軒上池清冷澄

澈竹石翦翳可愛督學喬公因阜為之記

大圓覺天台教寺在普福寺西成化杭州府志自唐開

山為修證了義法師塔院釋氏稽古略紹興十三

年敕於臨安府西山建天申萬壽圓覺寺西湖遊

覽志高宗書額及製二詩賜之寺有歸雲堂三昧



正受閣理宗御書清涼覺地萬曆杭州府志元至

正燬重建

宋高宗賜僧守璋詩古寺春山青更妍長松修竹翠含煙汲泉擬欲增茶興暫

就僧房借榻眠久坐方知春晝長靜中心地自清涼人人圓覺何曾覺但見塵勞盡日狂吳鋼圓覺

寺詩梵室香飄隔竹間壁間肆筆爛奎文山深翠輦經行處猶臥從龍數點雲地偏境靜人無事雨

後風柔物可情山鳥定知琴意好倚花渾不作春聲鄧文原遊圓覺寺詩大圓覺境清涼地要闡毘

盧貝藏開飛錫不妨隨鶴下蟠桃曾見有龍來相逢定性三生路盡了塵心萬劫灰憶我初年慕禪

悅石橋煙雨過天台徐一夔圓覺寺詩法侶西州彥招邀有雅情供分園果熟沐愛井泉清江近潮

偏響山平月倍明無眠知夜永況乃候蟲鳴

黑觀音堂

在集慶寺東

西湖遊覽志俗傳弘治間太監

張慶遊山至此見青衣女子匿入此菴索之不得

見座中黑漆觀音禮拜而去自此香火遂盛

顯慈集慶講寺

在集慶山

癸辛雜識淳祐庚戌之春創

新寺於西湖之積慶山改九里松舊路輪奐極其

靡麗至壬子之夏始畢工穆陵宸翰賜名曰顯慈

集慶教寺命講師思成爲開山教主旣而給賜貴

妃閻氏爲功德院西湖遊覽志有三池九井月桂

亭金波池並廢成化杭州府志元末燬重建

仇遠集慶

寺詩半生三宿此招提眼底交游更有誰願愷漫留金粟影杜陵忍賦玉華詩旋烹紫笋猶含籜自



滴青茶未展旗聽徹洞簫清不寐月明正照古松  
枝許應元宿集慶山房詩風塵十年別共臥北巖  
秋夜久寒侵榻山空雨撼樓三乘君早悟  
一壑我何求待謝簪裾累長陪宗少遊

救賜雲林禪寺

在武林山之陰北高峰下即靈隱寺

靈隱寺志創於咸

和元年竺僧慧理山門始榜曰絕勝覺場仙翁葛

洪所書正殿曰覺皇殿歷五季隋興廢莫考唐大

曆六年復興屬會昌廢教寺毀僧散後稍稍興復

規制未宏吳越錢王命僧延壽重為開拓殿宇一

新建石幢二正殿仍覺皇之舊殿後為千佛閣最

後為法堂東建百尺彌勒閣西有祇園今名紫竹林宋

景德四年改景德靈隱禪寺南宋高孝翠華屢幸

理廟親灑宸翰增輝山水當時號稱禪院五山之

第二山改法堂為直指堂賜直指堂印羅處約重修虎林山

靈隱寺碑記斗牛之下有郡曰錢塘浙水之右有  
山曰武林居山之寺曰靈隱其得境之勝地乎觀  
其羣山環倚一峰中斷平湖鑑物洪濤駭人雲生  
若趨石怪欲語陸羽記東晉咸和初有梵僧慧理  
由天竺而至歎曰茲山靈鷲之一峰耳何代飛來  
乎所攜白猿復識其處睨彼故地同乎新豐由是  
布金其田寶新其利憩蓮峰之石翻貝葉之文洞  
深有天岩垂為室晉宋已降賢能迭居碑殘簡文  
之詞勝蠹稚川之字唐運之季國霸為錢雲構之  
規則又過矣繡栢畫棋霞輦於九霄藻石雕楹花  
垂於四照修廊重復潛奔濺玉之泉飛閣岩堯下  
瞰垂珠之樹風鐸觸鈞天之樂花鬢搜陸海之珍



有若碧樹芳枝春榮冬茂翠嵐清籟朝融夕凝呼  
猿風聞臥龍石老會漢南王籍彼土宇歸我昌期  
雍熙之二載郡之四眾請月禪師為之首師印可  
禪那深得其髓越明年僕自蘇臺抵杭郡月禪師  
俾文其事因不元至大元年覺皇殿歲久蝨朽徹  
自揆而書之

故為新皇慶元年十月落成至正己亥燬於兵癸

卯建方丈伽藍堂明洪武十七年重建覺皇殿宣

德五年覺皇殿災九年重建仍復舊觀隆慶三年

燬於雷火萬曆壬午鳩工以癸未冬十二月始事

越五年而成

張翰重修靈隱寺碑記吾杭自錢氏有國南宋建都兩山諸刹依然勝槩

其間救於先朝如虎林山之靈隱寺尤為冠絕東晉咸和梵僧慧理建後析而兩之東靈鷲西靈隱

宋景德四年復合為一啟覺皇殿彌勒閣高宗駐

蹕數臨幸賜金額莊田以後興廢靡常迨洪武中

住持惠明恢復如舊永樂初善才增塑三世金身

宣德間災住持良玠重建隆慶三年復燬於雷火

止餘直指一堂時海寇紛擾寺僧德明等圖復力

不贍萬曆壬午陸司寇光祖知僧如通足任斯役

令僧眾亟迎比至首築壇趺坐其上說楞嚴法華

諸經遠邇諦聽罔不來助於是棟梁榱桷之材甃

砌礫墁之石金釐丹堊之飾覆墊磚甃之需智士

運謀壯夫輸力不三數年大覺殿巍然中峙就彌

勒閣舊址為藏殿後為直指堂又後為方丈左為

妙應閣右為選佛齋壯麗周匝雅飭莊嚴數十年

瓦礫之場輪奐一新落成之日宜記其本末以垂

永久僧眾相率詣余遂次第其事系之銘宋理

宗靈隱千佛贊一佛不二千佛奚別如處處水現  
在在月無去無來不生不滅梅花開時前村深雪  
宋之問靈隱寺詩鷲嶺鬱岩峩龍宮鎖寂寥樓觀  
滄海日門對浙江潮桂子月中落天香雲外飄捫



蘿登塔遠刻木取泉遙霜薄花更發冰輕葉未凋  
 夙巖尚遐異搜討滌煩囂待入天台路看子度石  
 橋綦母潛題靈隱寺山頂禪院詩招提此山頂下  
 界不相聞塔影挂清漢鐘聲扣白雲觀空靜室掩  
 行道眾香焚且駐西來駕人天日未曛賈島早秋  
 題天竺靈隱寺詩峰前峰後寺新秋絕頂高牕見  
 沃洲人在定中聞蟋蟀鶴從棲處挂獼猴山鐘夜  
 渡空江水汀月寒生古石樓心憶挂帆身未遂謝  
 公此地昔曾遊張祐題靈隱寺詩峰巒開一掌朱  
 檻幾環延佛地花分界僧房竹引泉五更樓下月  
 十里郭中煙後塔聳亭後前山橫閣前溪沙涵水  
 靜澗石點苔鮮好是呼猿久西巖聲響連楊巨源  
 送章孝標歸杭州詩會過靈隱江邊寺獨宿東樓  
 看海門潮色銀河鋪碧落日金柱出紅盆不妨  
 公事資高臥無限詩情要細論若訪郡人徐孺子  
 應須騎馬到江村白居易留題天竺靈隱兩寺詩  
 在郡六百日入山十二回宿因丹桂落醉為海榴  
 開黃紙除書到青宮詔命催僧徒多悵望賓從亦

徘徊寺暗煙埋竹林香雨落梅別橋憐白石巒洞  
 戀青苔漸出松間路猶飛馬上杯誰教冷泉水送  
 我下山來權德輿戲贈天竺靈隱二寺寺主詩石  
 路泉流兩寺分尋常鐘磬隔山聞山僧半在中峰  
 住共占青猿與白雲司空曙靈隱寺詩青山古寺  
 繞烟波石磴盤空鳥道過百尺金身開鑿壁萬龕  
 燈燄隔煙蘿雲生客路侵衣濕花落僧房覆地多  
 不與方袍同結足下歸塵世竟如何鄭巢題靈隱  
 寺皖公院詩山寒葉滿衣孤鶴偶清羸已在雲居  
 老休為內殿期嵐昏鳴磬早果熟飯猿遲未得終  
 高論明朝更別離梅詢靈隱寺詩千峰凌紫煙中  
 有梵王闕靈盼樹幽棲塵心自超越松篁發春靄  
 桂實墜秋月幸得謝世人茲焉老華髮林逋和運  
 使陳學士遊靈隱寺寓懷詩山壑氣相合旦暮生  
 秋陰松門韻虛籟錚若鳴瑤琴舉目羣狀動傾耳  
 百慮沈按部既優游時此振衣襟泓澄冷泉色瀉  
 我清曠心飄飄白猿聲答我雅正吟經臺復丹井  
 捫蘿嘗徧臨鶴蓋青霞映玉趾蒼苔侵溫顏煦槁



木真性馴幽禽所以仁惠政及物一一深灑翰嶙  
 岫壁返駕旃檀林回睨翠堵峰天半千萬尋潘閔  
 靈隱寺詩繞寺千千萬萬峰滿天風雪打杉松地  
 爐火煖黃昏睡更有何人似我慵蘇軾立秋日禱  
 雨宿靈隱同周徐二令詩百重堆案掣身閒一葉  
 秋聲對榻眠牀下雪霜侵戶月枕中琴筑落堦泉  
 崎嶇世味嘗應徧寂寞山棲老漸便惟有憫農心  
 尚不在起占雲漢更茫然又遊靈隱寺復用前韻詩  
 君不見錢塘湖錢王壯觀今已無屋堆黃金斗量  
 珠運盡不勞折簡呼四方宦遊散其孥宮闕留與  
 閒人娛盛衰哀樂兩須臾何用多憂心鬱紆溪山  
 處處皆可廬最愛靈隱飛來孤喬松百丈蒼髯鬚  
 擾擾下笑柳與蒲高堂會食羅千夫撞鐘擊鼓喧  
 朝晡疑香方丈眠氍毹絕勝絮被縫海圖清風時  
 來驚睡餘遂超羲皇傲几籛歸時棲鴉正畢逋孤  
 煙落日不可摹李綱靈隱寺詩我昔曾遊飛來峰  
 白猿晝掛峰上松暕然靈隱寺詩我昔曾遊飛來峰  
 仙宮宦遊漂泊西復東雖欲再到無由從帝居鈞

天陋瀛蓬螭均載筆侍重瞳逆鱗聊試摩神龍  
 墮劍浦山重重征鞍來此尋舊蹤恍如夢落煙霞  
 中朱樓寶殿飛玲瓏寒泉幽石欣相逢門前池館  
 虛含風一洗塵慮清心胸明朝南去隨征鴻惆悵  
 勝遊回首空鄧肅靈隱寺詩二首松篁擁翠入雲  
 閒雅稱高人養道閒自是紅塵飛不到一溪流  
 繞青山老木森森小徑斜淡煙橫鎖兩三家晚來  
 欲寫蕭疏景舉日遙岑望更賒王惲靈隱寺詩二  
 首山緣松竹煙光潤寺倚峯巒巒巒地位雄憑檻  
 靈鷲上世間真有化人宮旋開僧牖觀山罷閒逐  
 遊人看寺迴買得兩錢乾果子步穿經洞引猿來  
 楊維禎遊靈隱寺詩九里松關一徑深修廊十丈  
 畫沈沈佛安瑪瑙沉香座僧住旃檀紫竹林南  
 高峰天外筆東西流水屋頭琴冷泉亭外閒盤礴  
 洗盡三生名利心程敏政閩文振方伯王景端都  
 閩諸公公饒靈隱寺詩三首錢塘門外日初紅萬  
 頃湖光一鑑空白塔蒼松山向背畫船垂柳路西  
 東放生字認唐遺碣行在名傳宋故宮弔古有情



詩不逮一林嘯鳥自春風飛來峰下舊祇園勝覽  
平生第一番方丈雲深疑伏虎洞門風令罷呼猿  
天開畫史丹青筆水雜遊人笑語喧相對東皇須  
蓋醉一時那得聚高軒偃蓋松閒載酒行才驚飄  
泊過清明五年別向茲山會兩月春無此日晴石  
古誰參圓澤偈井枯猶帶葛洪名酒酣又是分攜  
處情比江湖晚未平張以寧遊靈隱九日詩秋日  
秋山景色微秋來風景解人稀泉通金谷清偏冷  
峯出霜林峻欲飛黃葉下封遊客路白雲閒護定  
僧扉人生晚節須當惜暢飲何妨醉夕暉王世貞  
遊靈隱寺詩步履徑垂盡招提天忽開山驅丹鷲  
下泉捲白龍迴石氣清僧席藤陰裊佛臺鐵衣雙  
大士金粟萬如來寺愧題名隱詩憐  
異代才游人日何限無地着蒼苔  
蓮峯堂孫雄飛靈隱蓮峯堂詩堂開金色界梵客  
好鈞簾山影碧侵座水聲清遶簷粉雲埋  
石腳珠露滴松髯終擬  
攜孤笛凭欄喚玉蟾

石幢

釋山顯靈隱寺石幢詩高幢垂五代端拱寺

佛頂峙

西東卓出靈

峯半招搖雲霧中

徐渭千佛閣詩靈山高閣迴千佛

千佛閣一燈傳萬古西湖月年年照冷泉

國朝順治戊戌大殿燬僧弘禮剏造內有天王殿輪藏

殿伽藍殿羅漢殿金光明殿大悲殿法堂方丈直

指堂南鑑堂聯燈閣華嚴閣青蓮閣梵香閣玉樹

林法壽堂萬竹樓鐘樓普同塔院康熙二十八年

聖祖仁皇帝南巡幸寺

御製靈隱寺詩一首



靈山含秀色驚嶺起嵯峨梵宇盤空出香雲繞地多開襟對層碧下馬撫煙蘿羽衛閒來往非同問法過

親灑宸翰書雲林二字

賜名雲林寺三十八年

聖駕再幸雲林

賜金佛一尊香金五百兩及

御書禪門法紀額又

御題一聯云

禪心澄水月

法鼓聚魚龍

御製雲林寺詩一首

無為幾事少問俗駐林丘衛騎森嚴滅爐煙爨黠浮鳥  
嘯香界古花綴梵筵幽野徑春風引輕鋪細草柔

四十二年

聖駕再幸

御製再過鷲峰詩一首

恭紀山水

賜御書金剛經一卷心經一卷四十四年再

幸雲林



賜寺僧慧輅御書金扇一柄石硯一方四十六年

聖駕再幸又

賜人參二觔香金四十兩雍正六年總督臣李衛倡修大

雄殿天王殿及諸堂宇樓閣煥然一新李衛募修雲林寺引

嘗聞佛教之興由於西域寶利之建盛於西湖蓋

秀氣迺結名都而異境多歸淨土如雲林寺者創

熙朝海負江環久擅東南勝槩山奇泉冷素稱吳越禪

宗飛來鷲嶺之峯俗塵難到散下蟾宮之子佳話

常留伏念

聖祖仁皇帝幸浙省方每荷御筆親題香霽重其氤氳瑞照增其朗耀近因蓮臺歲久

蘭若年深燦爛芬棹漸被蹠蹠剝落崔巍殿宇旋

宸章於歷久但頽垣廢瓦早須布地之金綺井丹楹端賴

新永護

驚風雨飄搖維茲名勝之區可無中興之侶迺有

任持智廣者虔思補葺立願增修將用舊基以維

程計日高僧勸善諒非藉此營私君子平施或可

因而成事朱彝尊偕諸君過靈隱寺雨宿松露山

房限韻詩二首湖雲乍合山雨微平岡細路風吹

衣過橋幾處飄塔湧到寺一道巖泉飛斬新白花

蕊照眼依舊青竹園開扉攀蘿捫葛信公手我與

僧彌暫息機正喜餘霞射東谷何期簷溜滴階頻

且貪是夕翦燈話判作來朝着屐人慧遠酒邊能

發興周顛肉罷詎生嗔貓頭之筭一飽足況有青

青鳴腳芹嚴繩孫靈隱寺詩舊知靈隱寺此日足

幽尋自昔傳飛錫于今尚布金江流消劫火山響

處即長林夜誦聞猿語朝參是虎心未能捐慧業

已是異塵襟落日荒荒去春煙細細沉祇應掃花

寺觀三



雨息影驚峰陰顧嗣立靈隱寺詩高峰勢插天北  
 有青蓮舍石橋俯碧溪澗草青可藉入門寒颼颼  
 蔭鬱類長夏江聲走雲根湖光流樹嶙嶙歟梵王  
 宮仙居誰與亞魚鱗排屋檐蘇磴任凌跨佛殿敞  
 以宏講堂清且暇徐行入佳境悠然如噉蔗穿廚  
 繞曲房石上寒溜瀉山春草木香嵐氣爭變化巖  
 半一聲鐘飛  
 墮石梁下

紫竹林 陳元龍雲林寺紫竹林記杭州湖上諸山  
 名勝甲天下而靈鷲峰最著面峰即古靈

隱寺也

聖祖仁皇帝南巡御書題曰雲林遂稱雲林寺入寺稍折  
 而西百餘步有三摩地焉曰紫竹林上接韜光下  
 臨靈鷲蒼松左峙碧澗右繞桂竹交加翠陰茂密  
 雲林之勝概盡是矣中供大士像寶色莊嚴迥異  
 諸相有禱焉輒應歷來住持皆清修苦行如古尊  
 宿海內聞風而瞻禮者南自閩越北至燕齊不遠  
 千里重趺裹糧殆無虛日以大士之靈棲絕勝之

山陵

歸

境於是毘那十笏之地為雲林增重登紫竹林者  
 如身游佛國也元季楊廉夫遊靈隱寺詩有僧住  
 旃檀紫竹林之句前明黃貞父李長蘅諸公亦嘗  
 橫經於此蓋山川之靈秀佛乘之高深自古與文  
 人學士結世外緣也余弱冠時奉先君子命率仲  
 叔兩弟偕許時庵大宗伯俱以諸生鍵關於此者  
 數載親見仲野湖岷二禪師修葺整齊人天擁護  
 之盛迨通籍居京師與山中遙隔者二十餘年旋  
 以養親假歸曾一過之而兩禪師已辭世仲野之  
 徒超然克守清規禪板梵音肅焉如昔喜山門之  
 不替留連憶舊者久之及余出撫粵西超然遠道  
 來謁以重新殿宇告且屬為之記余許之而未遑  
 屬草也後余再入國門出守  
 山陵歸 參綸閣蹤迹如雲顛毛似雪迴念讀書山中時甲  
 子重新紫竹林之名勝渺乎如隔世矣今年春超  
 然復貽書曰憶公與二先師結方外交時山僧以  
 小沙彌侍側今公壽逾八十山僧亦年將七旬俯  
 仰今昔一時主賓僧俗惟公與山僧在耳紫竹林



之蘭若與公似有宿緣可無一言以示後人乎余老矣退食之暇蒲團趺坐輒神遊於祇園甘露之境願以

聖恩深重未敢乞身形枯心瘁學殖荒落安能繼鐵厓黃李之後以文章翰墨留為湖山佳話而追湖生平遊歷之處惟紫竹林夢寐不能忘則洵有宿緣未可知也異日者倘能蒙恩放歸買艇湖頭與超然杖同行結香火之社豈非余之大幸乎姑書此以埃之是為記時雍正壬子仲秋既望

北高峰塔

在靈隱後山

咸淳臨安志唐天寶中建高七

層會昌中燬錢武肅王重修宋至和三年雷火元

豐間圓明大師重建咸淳七年燬靈隱寺舊志又

建今圯止存三層

潘閻北高峰塔詩北高峰上塔竟上最高層嘗謂人難到何當

我獨登天香聞不斷海月見微稜懶下紅塵路重來恐未能梅詢登北高峰塔詩高峰列遠岑亭亭幾百載鈴聲答夜風輪影落蒼海閒雲伴危級曙日平煙彩欲下生暮愁千山閉輕靄蘇軾遊靈隱高峰塔詩言遊高峰塔蓐食治野裝火雲秋未衰及此初旦涼霧霏巖谷曠日出草木香嘉我同來人久便雲水鄉相觀小舉足前路高且長古松蟠龍蛇怪石坐牛羊漸聞鐘磬音飛鳥皆下翔入門空無有雲海浩茫茫惟見聾道人老病時絕糧問年笑不答但指空藜牀心知不復來欲歸更徬徨贈別留匹布今歲天早霜鄧林登北高峰塔詩捫蘿百折上嶙峋世界仙凡到此分小朶岳蓮來異域孤撐天柱入層雲江湖俯看杯中瀉鐘磬回從地底聞借問須彌在何處老僧留客且論文姚肇次鄧林北高峰塔詩高峯千仞玉嶙峋石磴躋攀翠靄分一路松聲長帶雨半空嵐氣總成雲上方樓閣參差見下界笙歌遠近聞誰似當年蘇內翰登臨處處有遺文



慎菴 在靈隱山即  
响樓山房

靈隱寺志原係本寺塙院武林

梵志萬曆辛亥僧清茂重葺

白雲菴 在靈隱寺方  
丈後久圯

釋氏稽古略靈隱方丈後山

有比邱曰清覺號本然元祐七年游浙明年至杭

州靈隱寺靈隱圓明童禪師以寺後白雲山菴居

之覺乃自立宗以所居菴名為號曰白雲宗

靈鷲興聖寺

在合澗橋  
邊元末燬

咸淳臨安志慧理法師卓

錫之地開運二年吳越王建名靈鷲大中祥符八

年改今額嘉熙元年重建淳祐十二年又建靈山

海會閣理宗御書扁有滴翠軒九品觀堂 樓棟重  
修與聖

寺記靈隱前天竺後介兩山間一蘭若曰靈鷲寶  
石澗前嵌空合流中分而兼有之考諸志實惟晉  
理法師卓錫之始理咸和初自西天來見茲山而  
驚曰是中天竺國靈鷲山之小嶺不知何年飛來  
佛在世日多為仙靈所隱今此亦復爾耶迺披荆  
榛迺闢荒廬地以人顯至今巖以理名訪其塔猶  
在更唐表章至吳越尊尚國朝駐蹕隱竺之價日  
高而是刹幾蕪廢不治緇素愴焉嘉熙元年秋妙  
選吳僧行果主之越明年作山門易向而南明年  
兩廡成又明年觀堂成位置合宜事可則而物皆  
可久也雅觀遂修丹碧奪目規畫一出其手內外  
備矣始築丈室建寶閣盡挹四山之秀聞者樂施  
見者興敬於是靈鷲復粲粲余愛山林成癖坐冷  
泉憩香林屢嘗造其廬修鱗泳波茂樹當道徑窈  
橋橫真使人意消於煙霏空翠之表果北峰暮年  
之法子兄事古雲晦崑蓋有大過人者起廢細行



也願力宏固有家法在遂書之

海會閣

王埜登新閣詩山從西域來寺自東南有林泉既奇秀巖穴更深黝世僧奮空拳經始不已久俄然幻傑閣丹碧照林藪相輝靈隱前更勝天竺後理公坐匡屋千歲骨已朽坡翁昔曾遊遺句今在否洞猿不待呼清晝時一吼

石佛菴

在靈隱山直指堂後

武林梵志

梁簡文帝所造迦葉

維衛石佛二尊萬曆間僧如膺建菴後建準提閣

韜光菴

在靈隱寺西

咸淳臨安志

天福三年吳越王建

舊額廣嚴唐長慶中有詩僧結菴於院之西自號

韜光西湖遊覽志韜光禪師蜀人代宗時辭師遊

師囑之曰遇天可前逢巢即止師遊靈隱山巢溝

塢值白樂天守郡悟曰此吾師之命也遂卓錫焉

樂天聞之遂與為友題其堂曰法安成化杭州府

志大中祥符元年改今額乾道九年充咸安郡王

士銖功德院廢久洪武間重建燬正統十年僧一

真重建火天順二年僧宗融重建

釋如璧如琳訪淵公不值詩紫

蕨伸拳笋破梢楊花飛盡綠陰交道人閉戶不知處黃栗留鳴在鵲巢黃順之韜光詩瘦藤拄到古韜光分得山僧半榻涼幽鳥一聲春夢斷溼雲漠漠護殘香楊蟠韜光菴詩寂寞庵前草春深鹿自耕老僧垂白髮山下不知名郭祥正韜光庵詩逢人寂無語結草自棲禪但見巖花笑雁眉不記年



高攀龍萬曆癸丑與丹陽周仲純來遊韜光詩偶  
來山中坐兀兀二旬餘心中澹無事宛若生民初  
流泉當几席眾山立庭除高樹依巖秀修竹夾路  
疏所至得心賞終日欣欣如流光易蹉跎此日良  
不虛寄言養性者速駕深山居王瀛韜光庵詩吟  
邊喜與故人登老樹無枝石有稜坐久江湖聽漸  
近寒山高出白雲層文震孟庚午冬遊韜光詩斜  
陽竹樹影蕭蕭獨有幽蛩破寂寥萬境不波心似  
水滿庭紅葉映山椒潘耒宿韜光山房詩招提宅  
山顛而有清泉瀉濤聲亂陰晴瀑勢無冬夏殿門  
俯層巒萬象森在下湖帆曳林空海日升巖罅我  
來歲已晚楓菊猶未謝白石淨可餐流雲駛堪駕  
浮生如窗塵幾人得休暇遇坎且當止茅齋倘相  
借王式丹韜光庵詩叢篁高蔽日曲篔細鳴泉乍  
可尋幽徑真成到洞天佛燈明蘇壁僧磬冷炊煙  
歎息香山去無人愛種蓮湯右曾韜光詩澗橋徒  
倚老松根蕭蕭巖扉晝不喧坐覺清風生石壁行  
窮修竹見山門依依煙郭江光繞點點林雅海氣

昏卻怪白沙春漲闊  
遊人指點說潮痕

保寧院 在靈隱寺西久圯

咸淳臨安志天福三年吳越王

建舊額保安無量壽院治平二年改今額

北資聖院 在靈隱寺西久圯

咸淳臨安志天福二年吳越

王建舊名大明大中祥符元年改今額

時思薦福寺 在石人嶺下明燬

釋氏稽古略紹興十四年

詔改天竺靈山寺為時思薦福寺賜憲聖慈烈皇

后吳氏奉先香火西湖遊覽志有宜對樓通雲亭

天池樓雙珠亭萬玉軒元至正末燬明初重建復



燬

宜對樓

葉紹翁宜對樓詩講罷閒來立矮闌袈裟衣薄翠光寒請師莫起雲屏想只作當年面壁看杜汝能宜對樓詩已看山不厭高處更營亭對面開詩景當空列畫屏藥生香草異蓋結古松靈見說師齋暇時來此讀經

天池樓

張雨天池樓詩天池一樓小如架擎出半天雨華山圍丈室獅子座寺屬三朝母后家時呼白猿聽奇句亦許飛僊餐紫霞我來把斷闔風口只留林角置袈裟

永福寺

在靈隱寺西石筍峰下

舊錢塘縣志永福古刹劉宋

元嘉時為琳法師講所石晉天福間顏為普圓院

又名資巖南宋咸淳間為度宗母隆國夫人香火

改敕今額時有毒聲大師居之號大吉祥寺功德

最盛永福寺志元初廢至元元年有清涼山盤陀

石正宗禪師圓來駐錫結茅常衣白衲故又名白

衲菴明成化二年古香禪師相繼住持建海日樓

屠隆書額萬曆閒徐宏基重題永福禪林

張以誠過白衲

菴詩梵唄傳松徑招提隱竹林山僧衣白衲海客豁塵襟瀟灑棲支遁殷勤訪慧琳元言霏作玉佳句擲為金竹杖臨峰頂蒲團坐樹陰白雲秋補衲清澗夜流琴最羨峯頭石嶙峋閱古今

國朝順治中天台之裔靜昭興復



西湖志卷之十二

總校董紹舒分校陳陳鋈鋈校校 謨謨

西湖志卷之十三

寺觀四

北山路

下天竺講寺在靈鷲山麓

西湖遊覽志晉僧慧理建隋

開皇十五年有僧真觀者錢塘人與禪師道安頭陀石室檀越陳仲寶拓而新之號南天竺寺咸淳臨安志唐永泰中賜額五代時有五百羅漢院後廢大中祥符初改賜靈山寺天禧四年復天竺寺額紹興十四年高宗皇帝改賜天竺時思薦福寺



額爲吳秦王香火院慶元三年太皇太后有旨下  
 竺名利不欲永占可復原額爲天竺靈山之寺寶  
 祐二年改賜天竺靈山教寺額有御書閣藏累朝  
 宸翰武林舊事方丈曰佛國山法堂二字乃雲房  
 鍾離權書甚奇古大抵靈竺之勝周回數十里而  
 巖壑尤美實聚於下天竺寺自飛來峰轉至寺後  
 諸巖洞皆嵌空玲瓏瑩滑清潤如虬龍瑞鳳如層  
 華吐萼如皺縠疊浪穿幽透深不可名貌林木皆  
 自巖骨拔起不土而生傳言茲山韞玉故腴潤若

此胡宿下天竺靈山教寺記天竺寺者餘杭之勝  
 刹也飛來峰者武林之奇巖也晉有梵僧慧理  
 指此山乃靈鷲之一小嶺耳不知何年飛來至此  
 掛錫置院初曰翻經隋開皇中法師眞觀增廣之  
 改爲天竺寺其後大比丘曇超道標領徒倡教名  
 在僧史唐末盜起寺焚殆盡吳越王鏐因卽舊  
 址建五百羅漢院大宋之興名山精舍申易嘉號  
 錫名曰靈山祥符中州人聯牒叢卽府下請大士  
 遵式領其眾演天台教觀式公辨博明解遠近向  
 慕智者之學自是益振天禧初王冀公臨州一見  
 加禮爲奏復天竺舊額冀公親題其榜筆力殊勁  
 且有敕旨許作十方講院主持還朝又表其高行  
 賜號慈雲仍施錢萬緡爲營佛殿未幾侍郎胡公  
 繼典是郡又捐已俸助作三門分架峻廊翼其左  
 右檀施風偃莫不喜捨於是哀合眾施環立羣宇  
 殿之後曰法堂其右曰僧堂曰金光三昧堂曰老  
 宿堂其左曰厨曰庫曰浴院曰延壽堂及東西繚  
 廊六十楹井堰春禮之所凡二百餘區皆匪亟而



成觀感以化至於金像模肖莫不奇特又造旃檀  
 觀音像置三昧堂中慈相穆如智者之遺法也初  
 寺有檜樹枯死至是柯葉復茂眾目之曰重榮檜  
 乃蘭若中興之兆慈雲告老菴於東嶺傳寺事於  
 明智大師祖韶韶公亦宿植德本密資覺力延接  
 海眾宴坐道場二紀有餘百事無曠天聖中兩宮  
 外護三寶焉依清淨之風大流率土吉祥之地首  
 眷茲山乃詔乾元長寧二節度僧各一明道至皇  
 祐間二遣近璫黃元吉捨施檀香縷金佛菩薩羅  
 漢等像五十二身釋迦文殊普賢阿難迦葉琥珀  
 像五身又施西天靈塔佛骨舍利白氈等仍賜飛  
 白御書六軸飛白御書扇子等且有中旨每歲度  
 行者一人韶公欽承聖施寅奉墨寶於法堂後建  
 御書閣三棟以虔香火閣之東西建方丈二十區  
 北敞虛楹正面鷲石名勝遊士多至其下入於殿  
 之前建鐘經二臺東西對峙三門之左創五百羅  
 漢院右建天台教藏院後曰看經堂北曰泗洲菩  
 薩殿後曰茶堂亭軒房牖之類亦百有二十餘區

前後輪奐表裏華潔鐘梵通於霄漢金碧照於巖  
 谷新澗春夏眾聲琤然靈峰早暮雲氣馥若疑神  
 物之有護信靈仙之所隱韶公以某雅塵禁職緬  
 慕宗乘見托以文且記其事至於龍潭猿澗一邱  
 一壑之勝則有陸鴻漸山記在 **錢塘縣志元末燬**  
**焉今但記其置寺之本末云**  
**明洪武間重建** 崔顥遊天竺寺詩晨登天竺山  
 繞直上孤頂高平看眾峰小南州十二月地煖冰  
 雪少青翠滿寒山藤蘿覆冬沼花龕瀑布側青壁  
 石林杪鳴鐘集人天施飯聚猿鳥洗意歸清淨澄  
 心悟空了始知世上人萬物一何擾綦母潛登天  
 竺寺詩郡有化城最西窮疊嶂深松門當澗口石  
 路在峰心幽見夕陽霽高逢暮雨陰佛身瞻紺髮  
 寶地踐黃金雲向竹溪盡月從花洞臨因物成真  
 悟遺世在茲岑陶翰宿天竺寺詩松柏亂巖口山  
 西微徑通天開一峰見宮闕生虛空正殿倚霞壁  
 千樓標石叢夜來猿鳥靜鐘梵寒雲中峯翠映湖



月泉聲亂溪風心超諸境外了與懸解同明發惟  
改視朝日長匡東湖色濃蕩漾海光漸曠曠葛仙  
跡尚在許氏道猶崇獨往古來事幽懷期二公季  
白送崔十二遊天竺寺詩還聞天竺寺夢想懷東  
越每年海樹霜桂子落秋月送君遊此地已屬流  
芳歇待我來歲行相隨浮溟渤又與從姪杭州刺  
史良遊天竺寺詩掛席凌蓬邱觀濤憩樟樓三山  
動逸興五馬同遊遊天竺森在眼松風颯驚秋覽  
雲測變化弄水窮清幽疊嶂隔遙海當軒寫歸流  
詩成傲雲月佳趣滿吳洲嚴維宿天竺寺詩方外  
主人名道林怕將水月淨身心居然對我說無我  
寂歷山深將夜深張籍宿天竺寺寄靈隱寺僧詩  
夜向靈溪息此身風泉竹露淨衣塵月明石上堪  
同宿那作山南山北人白居易題天竺南院贈閑  
元旻清四上人詩雜芳澗草合繁綠巖樹新山深  
景候晚四月有餘春竹寺過微雨石徑無纖塵白  
衣一居士方袍四道人地是佛國土人非俗交親  
城中山下別相送亦殷勤又宿天竺寺迴詩野寺

經三宿都城復一還家仍念婚嫁身尚繫官班滿  
酒臨秋水沈吟下晚山長閑猶未得逐日且偷閑  
張祐天竺寺詩西南山最勝一界是諸天上路穿  
巖竹分流入寺泉躡雲丹井畔望月石橋邊洞壑  
江聲遠樓臺海氣連塔明春嶺雪鐘散暮松煙何  
處去猶恨更看峰頂蓮鄭巢宿天竺寺詩暮過潭  
上寺獨宿白雲閒鐘磬遙連樹星河半隔山石中  
泉暗落松外戶初關卻憶終南裏前秋此夕還陳  
陶宿天竺寺詩一宵何期此靈境五粒松香金地  
冷西僧示我高隱心月在峰葛洪井釋道潛與  
愚上人宿天竺詩夕陽山氣藹蔥蔥路轉松陰復  
幾重行過石橋人未見數聲先聽寺樓鐘稽留峰  
北好林泉珍重幽棲得所便柏子煙中能宴坐想  
無餘習可攀綠霜壓簾櫳露泣條銀河影轉斗  
構清言共失三更夢錯恨芙蓉漏易消又陪司馬  
才仲節推諸君遊天竺詩西郊久不雨草木無餘  
青薄雲弄秋暉山色時晦冥超然五詞客文采披  
華星聯翩過吾廬車蓋紛滿庭相攜訪靈鷲細路

卷之三  
寺觀四  
四



通崑局攀翻幽桂叢衣襟襲芳馨絕境異人世吾  
 詩豈能名詩豪追鄴下妙語逾瓊英願言一揮寫  
 樂事良難并高空墮海日歸驂尚能停楊萬里寒  
 食雨中同舍約遊天竺詩遊山不合作前期便被  
 山靈聖得知只等五更傾一雨三更猶是月明時  
 筍輿衝雨復衝泥一徑深深只覺遲孤塔忽從雲  
 外出寺門漸近報農知住山何敢望他僧只是遊  
 山也不曾可惜一條杉檜路都將濕了不教行破  
 雨遊山也莫嫌卻緣山色雨中添人家屋裏生松  
 樹穿出茅簷卻覆簷小溪曲曲亂山中嫩水濺濺  
 一線通兩岸桃花總無力斜紅相對臥春風老檜  
 如幢翠接連山茶作塔綠陰纏山僧相對識渾相忘  
 不到山中十五年三峰小石一方池下有機泉仰  
 面飛坐看跳珠復拋玉忽然一噴與山齊清遠溪  
 中小開頭遮關溪水不教流山僧為我放一板濺  
 雪奔雷怒未休城裏哦詩枉斷髮山中物物是詩  
 題欲將數句了天竺天竺前頭更有詩忽見金絲  
 嫋綺疏又驚寒食到來初不知折盡西湖柳插遍

長安萬戶無禪房寂寂水潺潺澗草巖花點綴閒  
 忽有仙禽發奇響伽陵來自補陀山雨裏忽忽怨  
 出郊晴時不出卻誰教西湖北畔名園裏無數桃  
 花只見梢戶戶遊春不放春只愁春去不愁貧今  
 朝道是遊人少處處園亭處處人若道尋春被雨  
 催如何隨處兩三杯晚晴曉雨如翻手有底虧儂  
 不好來萬頃湖光一片春何須割破損天真卻將  
 葑草分疆界葑外垂楊屬別人輪頂花枝儘鬧裝  
 遊人未暮已心忙無端更被千枝柳展取蘇隄分  
 外長張翥宿天竺寺詩山僧留客意殷勤把酒山  
 亭對夕曛披徑亂藤盤石樹摩厓蒼蘚澀秋雲月  
 中桂子隨風落洞口猿聲靜夜聞老去野心偏向  
 逸竹窗禪榻漫平分又重遊寺中詩石梁濺水入  
 蒼苔陰洞傍穿澗底回殿閣金銀從地湧山林圖  
 畫自天開龍隨僧到分雲住猿認人呼下樹來遊  
 興未闌斜日盡馬頭呼酒尚徘徊西湖之西天竺  
 深天香滿風多桂林老猿引子下高樹流水與雲  
 來遠岑上方已變劫灰黑古洞長帶秋風陰清輝



娛人且歸去後夜月明來重尋白筵天竺寺詩山  
轉龍泓一徑深嵐煙初潤撲衣巾松蘿掩映似無  
路猿鳥往來如有人講石尚存天寶字御梅嘗識  
建炎春城中遮日空西望日與長安隔兩塵沈周  
下天竺詩寺倚靈峰住緣蘿取次尋紅泉交石面  
翠壁秀堂陰猿鶴遺塵想煙霞發隱心歸來燈火  
候深木  
露沉沉

七葉堂白居易天竺寺七葉堂避暑詩鬱鬱復鬱鬱伏熱何時畢行入七葉堂煩暑隨步失  
簷雨稍霏微窻風正蕭瑟  
清宵一覺睡可以消百疾

國朝康熙三十八年

聖祖仁皇帝南巡

駕幸寺中

賜帑金重修

七寶普賢閣在下天竺 成化杭州府志沙門善照以七

寶塑普賢菩薩像吏部尚書虞策志其事

西嶺草堂在下天竺 成化杭州府志標法師立郭祥正西嶺草

堂詩應識遊塵世湖邊一草堂松聲半夜雨花氣四時香

日觀庵在下天竺 西湖遊覽志僧遵式建范仲淹為之

記至今相傳有文正公臥榻王隨寄遵式詩語傳要妙三乘法香供精

嚴七祖堂日觀庵中絕塵念彌天高雨靄錢塘

神尼舍利塔在飛來峰頂 靈隱寺舊志同州般若寺尼



智仙通禪觀言人吉凶神驗隋文帝始生於寺尼謂太祖曰此兒佛所祐太祖因委尼視育一日皇妣來抱見兒成龍形驚墜地尼訝曰驚吾兒致令晚得天下矣及帝長尼私謂曰佛法暫廢賴汝而興宜記之屬周武廢教尼隱帝家而卒後帝即位令天下造佛舍利塔咸淳臨安志仁壽二年遣僧慧誕齋神尼所囑舍利於此造塔發土得石函一因寘所齋舍利石函其中不差分寸人咸異之郭祥

正神尼舍利塔詩神尼鑿一塔杳在碧雲端舍利夜光現君須正眼觀

中天竺禪寺 在稽留峰北 咸淳臨安志中天竺萬壽

永祚禪寺開皇十七年千歲寶掌禪師從西來入

定建立道場 按釋氏稽古略師太宗貞觀十五年返杭之飛來峰棲止之今中天竺寺

也有行盡支那四百州此中偏稱道人遊之句 太平興國元年錢氏建寺

舊為崇壽院政和四年改賜今額南渡初有摩利

支菩薩感應因命增廣殿宇以禁中所奉佛像賜

焉有華嚴閣寶祐二年賜錢重修御書扁西湖遊

覽志元天曆間僧大忻得幸於文宗改天曆永祚

禪寺成化杭州府志有天香閣桂子堂此中亭元



未燬重建**武林梵志**明洪武初賜號中天竺禪寺

正德間燬嘉靖二十五年僧慧鏞等募建刹并白

衣觀音堂王元章送僧歸天竺詩天香閣上風如

老夫曾此聽猿來相逢五載無書寄卻憶三生有

夢回鄉曲故人憑問信孤山梅樹幾番開沈周中

天竺有懷住山祐天吉詩珠林懸碧澗卻有小橋

通水格重重石松鳴樹樹風路當三里半寺在兩

山中今日天香閣先期憶祐公

華嚴閣王信華嚴閣記錢塘南北山為浮屠氏居

淨慈地雄勢重易起人向慕心故凡事隨欲輒辦

惟中天竺蕭然孤立乎上下二刹之間雖在昔為

名山而前後因陋就簡往往不克自振粵僧法華

來主大席奮然昌宗風於幾墜之地清熙十四年

被旨禱雨大士道過其門則傑閣巋然羣目驚異

僧帥其徒請觀之攝衣同登金碧璀璨中設千葉

盧舍那像立文殊普賢二菩薩於其旁五十三善

知識布左右而翼以鐘經二臺四山環焉如拱如

衛高欲侵雲俯疑臨淵石梁橫陳清流激湍氣象

壤富非向所見余問曰師何力辦此法華曰未也

吾將興佛殿而東之方丈法堂廊廡皆撤其故度

材計工不辦而已經始於癸卯之夏而落成於丙

午之秋法華身若不勝衣言語無緣飾而一念所

起勇猛精進足以感發人之善心不然何為之遽

而成之易也法華起而言曰寺闢荒於千歲寶掌

禪師生於周威烈王之十二年至唐顯慶二年而

化蓋住世千七十有三年維紀可考也法華洒掃

於茲歲在己亥冬十一月望之夕夢一僧來桂子

堂額聳貌古金環貫耳自言為千歲和尚昔嘗居

此今汝能建立吾道興矣言訖不見晨興集大眾

焚香作禮像前而致禱焉此其願力也法華何能

為余雖未敢遽信其說然觀千歲歸寂之偈嘗有



他生復再來之語法華之夢不為無據譬  
如為山進以一簣虧以一簣法華其勉之

國朝康熙三十八年

聖祖仁皇帝南巡

駕幸寺中

賜帑金三百兩四十二年

聖駕再幸

御書靈竺慈緣四字額

興福院

在楊梅塢

咸淳臨安志淳熙初慧光禪師若訥

奉旨撥賜上天竺空閑山地用衣鉢剏建紹熙三

年御書彌陀興福教院為額上天竺山志宋末燬

天啟甲子僧德光復建中立三世如來殿蕭山張

士驢倡施後為彌陀三聖殿東甌劉康社翔緣為

彌勒閣

劉康社重建彌陀興福教院記杭之上天竺有乳竇獅子兩峰閒即楊梅塢也宋孝

宗敕兩峰強半山坡為慧光訥法師別業以使退

休光宗御書彌陀興福教院為額而院名始著元

時院廢我朝萬曆二十六年靈隱祇園庵月輝禪

師德光愛此寬閑深邃結廬禪誦其背係上竺住

持玉長老分產及紹峰與師久契因劃其山麓若

干畝捨之師即募金購材築精藍日與弟子正課

閒暇開墾平削幾更寒暑及遊台宕東甌宰官欣

然傾蓋與合郡檀度遂下南山之木取道東海募

營中兵士昇歸無何又募郡人馮有恩倡刻彌陀

丈六之像觀音勢至相繼而成蓋天啟五年也嗣



後弟圓慧孫明徹共捐銀帛更造兩廂周遭掩映  
煥然有章兵部尚書衡岳朱公榜曰重建彌陀興  
福教院師進此山將四十年其焦心勞思  
閒關拮据殆非一旦可謂不負紹峰者矣

多福院 在楓木塢久圯 咸淳臨安志 天福五年吳越王建

舊名光福治平二年改今額嘉泰元年賜今額

大明寺 在楓木塢久圯 咸淳臨安志 元賜額興福庵淳熙

二年法華和尚建淳祐六年移請今額

東岡塔 在楓木塢 西湖遊覽志 隋法師真觀建 郭祥正東岡塔

詩 窳堵藏真骨東岡氣象殊  
煙雲掃不盡苔蘚一痕無

永清寺 在永清塢 咸淳臨安志 薛大資昂香火院大觀

間建西湖遊覽志中天竺之對為永清塢正德間

陳氏建庵塢中名永清塢

心庵 在永清塢 西湖遊覽志 正德間寶珠禪師建

上天竺講寺 在天竺山乳竇峰北白雲峰南 咸淳臨安志 後晉天

福四年僧道翊結廬山中夜有光就地視得奇木

命孔仁謙刻觀音像會僧勳從洛陽持古佛舍利

來因納之頂間妙相具足錢忠懿王夢白衣人求

治其居王感悟乃即其地創佛廬號天竺看經院

咸平初郡守張去華以旱迎大士至梵天寺致禱



卽日雨自是遇水旱必謁焉天聖中僧詵夢像浮空而行出小山曰吾欲憩此明日僧寂至語夢符乃謀徙今處乳竇峰轟其前白雲獅子中印諸峰左右環拱嘉祐末守沈文通以爲天竺起於司馬晉時踰七百載而觀音發跡西峰甫及百年遂分爲二所謂上天竺也大士以聲音爲佛事非禪那所居卽謝去住持海月以辨才法師元淨爲其主仍請於朝以教易禪賜名靈感觀音院時曾魯公公亮爲相寔獎其事旣而蔡端明襄出守魯公以

錢十萬爲扁委蔡公書之

武林舊事後埋宗易以御書山門乃蔡京書

元淨乃益鑿山闢地增廣殿宇紹聖二年郡守陳軒請於朝詔以一路祠廟施利繕修精舍靖康初郡迎大士禱雨於法惠寺屬有金難僧道元祕大士像於井寺前廡下有觀音泉卽其處兵退瓦礫中忽鏗然有聲始知井所在得聖像歸之院紹興五年高宗臨幸孝宗卽位以久雨致禱卽日霽上喜甚賜內府寶玉三品明年御製大士贊乾道三年淳熙二年翠華一再臨幸殿及門扁咸錫奎章改院爲寺又



賜金幣創十六觀堂法輪寶藏仍命皇太子大書

二扁理宗賜大士應夢畫像書心經其上仍賜御

製贊殿記及白玉秉爐如應真閣超諸有海廣大

靈感觀音教寺廣大靈感觀音寶殿諸扁皆奎畫

也並貯於雲漢之閣寺內堂軒亭館幾五十所內

秋芳閣高宗皇帝車駕嘗憩焉上天竺山志有藏

經殿白雲堂坐白雲峰故名至辨才法師更建高

宗臨幸孝宗賜僧錄若訥白雲堂印

以轄禪教律三宗咸滿元兩峰堂在白雲堂後前

年度宗御書白雲堂扁與雙檜乳竇相

參故名紹興二年圓通如法師建紹興五年丞相

京鏗書扁成化間燬嘉靖四十二年寺眾為郡倅

雷栢建遺愛堂即兩峰堂故址也萬曆間護國金

燬崇禎己巳募建易堂為閣今稱藏經閣

光明懺堂皇祐年間建尋燬法堂講堂水陸堂在

左紹定二年中印堂雲漢閣隆興元年建奉安

理宗詔建佛閣紹興五年建提秋香閣淳祐九年建秋芳閣

紹興二十三年延桂閣紹興伴雲閣在白雲鳴陽

住持圓智建樓即鐘振遠樓即鼓水月樓在水月池上清暉樓

樓即鐘皇華館寶祐元年八月住持佛光建夜講

在白雲堂治平中辨才法師雙桂軒淳熙二年賜唐相清

夜分講經故設之華軒在秋香閣後淳竹嶼軒趙孟頫書圓通門普

祐在秋香閣後淳華軒在秋香閣後淳竹嶼軒趙孟頫書圓通門普



門相肅儀亭

咸淳臨安志辨才建蔡襄名原註洪武二十八年重建正統五年萬曆五年

年重雪坡亭

東坡訪辨才法師適其勝植杖亭宣和五年郡守

李偃訪宣梵

珍法師適珍下謝履亭處觀堂陟兩

山遂植杖立談

因置亭表之謝履亭處觀堂陟兩

峰之麓每出入喜着履嘗曰安石隱東山乃攜二

妓遊薔薇洞吾以松竹為薔薇卒無開落以白雲

明月為妓空色兩忘何忝安石

夢泉亭既鑿夢泉

哉選徑之半為亭以述厥志

夢泉亭既鑿夢泉

於西坡仍建曲水亭

熙寧間妙珪法師退居復庵

亭以誌其異

熙寧間妙珪法師退居復庵

蘭亭故事作亭其上西湖遊覽見心亭

在珠老橋

忘一名流杯亭亭心有水臺盤

見心亭外嘉靖十

三年都指揮石幢子院曰白雲東院復庵梅峰庵

在見心亭北萬曆年廢

端平中梵奎法師退院

同庵古鏡庵北峰庵靜處

齋華嚴山居

陳軒濕靈感觀音院記紹聖二年軒

臣所領州之西漏湖山之勝甲於天下而天竺山

在焉自五代時僧翊得奇木不能名刻為觀音像

僧動又以佛舍利內置頂間其後像見光怪與人

作福祥遠者載金石近者亦相傳不絕不復槩舉

臣自去秋視事民方薦饑今年春雨彌月不止吳

興苦卑連歲水災父老日夜憂懼臣即率官屬躬

禱像下冒雨入山衣褐霑溼渠決壞道從者皆涉

比臣之還天宇開霽纖雲不興白日正中清風穆

然邦人合掌嘆息既又輿至城中作佛事與民祈

禳已而雨暘有時農不告病稼穡旃旃遂為豐年

實茲像之庇此土也所不可忘臣竊考圖志唯天

竺山粵自晉末嘗為道場逮聖朝天聖始分上下

方而觀音像所在歷載崇奉在治平中賜號靈感

因以名寺在熙寧中許寺歲度一人為僧朝廷每

遣中謁者走香幣其所封識用御府寶璽蓋嚴恭

如此惟是殿宇之建垂六七十一年日就頽敝不足



以揭虔妥靈宜有加飾臣不勝大願願給祠部空  
 名度僧牒數十道貨緡錢市材僦工撤而新之不  
 惟俾東南之人永有瞻式倘遇水旱禍災吏不能  
 力者亦敕令從事許袁一路祠廟施利以充其費  
 於是毗陵胡公宗哲番陽張公綬借為轉運副使  
 特主其事乃得錢五百萬民樂施者又若干萬是  
 役也凡在見聞智者獻謀巧者出技富者薦貨貧  
 者效力良材密石盡山澤之選經始於某年某月  
 而以某年某月告成為殿宇若干間高明奧深嚴  
 翼宏大復闢其前楹以為懺堂金碧丹堊之飾炳  
 煥奪目至於香火之具瓜華之供物無不備辟容  
 妙相巍然益尊過而禮者恍若梵天帝釋之居又  
 疑身在圖畫或以為三昧力所變幻也蓋如是而  
 後足以侈上之賜而顯揚菩薩之威靈以慰夫邦  
 人父老之心四年某移金陵住持某大師某以書  
 來乞銘將作石以詔於後為撰次其本末云洪邁  
 上天竺寺碑華藏世界毗盧覺海萬億河沙諸佛  
 菩薩均以大慈能仁闡豁悲願為出世導師而隨

意融攝從聞思修使末劫有生持戴瞻仰如在其  
 上者惟觀音大士為然錢塘上天竺肇始於道翊  
 師示夢於錢忠懿顯祠於咸平浮像於天聖易十  
 方於妙臻還舊貫於元淨塵塵刹刹久而愈昭於  
 是有靈感美名之錫當時寶光示現濬發兆祥如  
 赤珠如火燧如流離虎魄如蒼玉或粲絢屋翼或  
 隋升山顛衍為朝陽飛湮匹練絳采軒奩寒青上  
 挹霄漢湛然虛明之盛普照四天知制詰呂夏卿  
 龍圖閣學士沈文通寶文閣待制陳軒紀載於前  
 可覆視也遭靖康孽火鞠為灰燼蒿目淺智意其  
 復初為難人天護承否極必泰大駕南狩正臨是  
 邦紹開中興寧濟方夏雖英謨雄烈大業得以憑  
 藉然窈冥勿穆菩薩焉依凡請雨謁晴不嫌於屢  
 故六七十載昭事愈飭傳序三聖年增歲加錫鑾  
 和鈴薦枉法駕捐內帑金幣俾建經鐘二樓會法  
 安僧之堂羅漢之閣水陸之宇視所應為次第崇  
 立孝宗創於西北隅啟十六觀賜之玉缶觚彝珠  
 宮金相寶冠瓔珞價值數十萬緡親製贊文特書



兩扁終之以法輪寶藏聖安太上亦揭黃雲章今  
 皇帝又申永作天台教寺之旨凡禪律賢首慈恩  
 異宗母得窺觀更易然後學者知所蒙賴是教也  
 本於智者建化以妙為宗以如為體以法華三珠  
 為極致以安養國土為依歸以正觀為修證之要  
 蕩一切塵以空而觀立一切法以假而觀究一切  
 性以中而觀以五時八教判釋如來一代訓典迄  
 於無生真諦超最上乘教海淵源義高天遠厥今  
 水精之域圓滿清淨其門庭輝如其堂殿穹如其  
 觀閣聳如其廂廡邃如羣居常寂以智導迷人知  
 選佛之場定在是矣先後住持者曰惟日曰若訥  
 曰師覺曰妙球皆擢錄教門實稱僧中龍象珪遺  
 信求記本末既西湖遊覽志慶元三年改天台教  
 書之又係偈言

寺元至元三年燬五年僧慶思重建仍改天竺教

寺黃潛上天竺寺觀音殿記杭之上天竺山廣大  
 靈感觀音教寺新作大殿成住山慧日屬某記

之按郡志石晉時僧翊結庵茲山有瑞光發於前  
 澗就視得奇木募善工刻為觀音大士像會僧勳  
 自洛陽持舍利來真頂中妙相以具吳越錢氏易  
 庵為院宋天聖初乃徙今所即瑞光所發處也嘉  
 祐治平間賜號靈感遂以為院額治熙初易院為  
 寺治祐末又加以廣大之號皇元尊象法而尚教  
 乘天竺實居東南列刹之首至元之三年寺燬於  
 災惟聖像巍然獨存諸珍異服器亦無損毫末人  
 以為是有神靈陰護之亡何而主僧仲頤告寂慶  
 子思以五年夏五月來蒞寺事謂欲復吾故宇莫  
 先於治殿以揭虔爰靈耆舊僧之意適同各探已  
 囊出錢有差知事僧亦力相之俄有大商至自江  
 右獻巨枿六十三尋收亡僧所遺錢以緡計者五  
 千銀以兩計者七百八十田以畝計者四百既而  
 達官大姓相繼輸錢而施不啻十萬緡殿之始建  
 以其年冬十有二月凡其制為閒二十有四其崇  
 入尋倍其崇而益尋有二尺以為修半其修而去  
 尋有二尺以為廣功未竟而子思以至正二年春



遷四明之延慶本無由延慶東堂出領茲山悉如  
 殫慮圖終其役三年春三月殿成冬十月本無遊  
 四年閏二月慧日自下天竺陞補其處節縮浮費  
 并哀眾施之羨餘完以污墁飾以髹彤而前堂後  
 室煥乎一新先是平章政事執禮和台光祿公觀  
 其帳座故敝界子思錢五千緡使改爲之鸞翔鳳  
 翥金碧焜煌誠辰協吉安奉如式逮慧日之來而  
 器物之頌法所宜有者纖悉畢備緇白之侶有所  
 瞻依薦紳之流咸欣慶焉杭在異時爲行都旄頭  
 屬車之幸臨宸章奎畫之褒飾寶冠龍符玉缶觚  
 彝之賜予昭其餘輝下賁林壑矧今昭代帝德所  
 覆承護有嚴名香花幡中使狎至王公貴人至於  
 閭里好事之家稽首慕趨恒恐不及宜不難於以  
 壞爲成然猶六更歲籥三換主席乃克就緒是用  
 備記其廢興之顛末來成化杭州府志元季燬重  
 者尙鑒於斯俾勿墜哉

建成化丙申鎮守太監李義重建鐘樓重修三門

殿廡一新

商輅上天竺重建鐘樓記錢塘佛寺上

香巖峙其東雙檜巖直其西重岡疊嶺螺髻堆青  
 澗水松風笙簧入韻誠一方勝槩也寺創於五代  
 之間時天下釋騷惟兩浙晏然蓋錢氏立國之功  
 文穆之世高僧道翊結庵是山一夕見前湖光明  
 上燭旦往視之得奇木遂刻爲觀音像奉之後感  
 夢忠懿易菴爲寺至宋咸平元祐寢加增廣南渡  
 以來六朝車駕不時臨幸賜廣大靈感觀音寺額  
 列爲五山之首禪教宗之我朝改教爲講五山之  
 名仍因其舊郡之人水旱疾疫有求必禱輿馬闐  
 駢往來如市是雖佛之感動於人要爾山川之靈  
 有以相之寺故有鐘樓頽圯已久近時司禮太監  
 李公義奉命出鎮聞嘗詣寺因見巨鐘在地惻然  
 興念爰施已資募工度材重建層樓發鐘懸之於  
 是鯨音四達晨昏有警寺之景象遠過於前住僧  
 智霑具廢興始末徵余爲記予因其請姑爲之說  
 或來者有考嗣者弗失庶幾名山勝境與天地相



為悠久云 武林梵志正德時聖母張進古銅塔一座滲

金觀音像並供後殿萬曆癸丑冬東宮進滲金大

士一尊并金吼金念珠一串存大悲閣錢塘縣志

自宋至今每亢旱淫潦有司恆即山中迎大士像

入城於吳山海會寺祈禱無不響應而大士遂為

一郡雨暘司命遠方趨赴香火之盛不下普陀遠

及齊魯楚豫無不奔至四時不絕而春月尤繁

宗天竺廣大靈感大士贊觀音大士以所謂普門

示現神通力故應跡於杭之天竺山其來尚矣朕

於冲人者也因為贊曰猗歟大士本自圓通示有

言說為世之宗明炤無二等觀以慈隨感而應妙

不可思宋理宗天竺廣大靈感觀音殿記朕聞有

感必有應有應復有感感從心起則應從心得非

自外求也方佛在耆闍崛山時觀世音菩薩摩頂

受記合掌作誓願以慈悲心救度河沙眾生受

諸苦惱凡火坑波濤之難刀鋸杵械之難惡獸蝮

蛇之難一切困厄可怖可愕惟以一念歸敬則以

變化力遊戲三昧現帝釋身現長者身現宰官身

慧日慈雲甘露法雨轉熱惱而清涼變急難而安

樂隨其聲音種種解脫是豈有他故哉佛以如來

心濟渡人即以如來心信向心相感念念相應則

佛即是心心即佛佛即佛佛即佛佛即佛佛即佛

我聞補陀山宛在海中島是為菩薩現化之地距

杭之天竺一潮耳故神通威力每於天竺見之按

西湖志

卷十三

三

寺觀四

三

乃謀更荆面挹乳寶翼以白雲獅子峰一殿中居

其靈我朝天聖初僧銑夢像行山中曰吾欲憩此

為寶相至錢氏忠懿王俶夜夢白衣始荆寺以安

後晉天福四年僧道翊結廬天竺山得夜明木刻

乃謀更荆面挹乳寶翼以白雲獅子峰一殿中居



眾山環拱煙雲縹緲中時聞鐘磬聲恍然天宮化  
 城尋賜名靈感觀音院南渡聖聖相承崇信尤篤  
 凡所禱祈如響斯答紹興間有車駕臨幸之寵乾  
 涓中有寶玩御贊之賜亦嘗親枉翠華腆有錫子  
 大書扁額以旌之慶元嘉定間永充教寺有旨蠲  
 免租役有旨是豈佞佛者哉所以答景貺也朕以  
 涼德嗣丕基歷年於茲海宇寧乂繁我佛力曰雨  
 曰暘有請必應其所以福生民壽王國者至矣頃  
 嘗賜像與贊及心經秉爐昭示尊奉之意甲寅秋  
 合宮宗祀假廟之日雲簇簇有雨意心香潛禱靈  
 應隨格陰霾割剗暘光開霽薦鬯之夕天宇不塵  
 星月明爛神來燕娛熙事用集朕以何因緣獲此  
 嘉應亦惟此心有以感之耳心者何仁是也且佛  
 法自漢永平流行中國今幾千百年矣而大士靈  
 異獨於我朝為最驗蓋我祖宗以不妄殺為旦誓  
 以不科斂為家法以愛養百姓為根本惻隱之仁  
 與佛心一真觀清淨觀悲觀及慈觀大士之所以  
 能滅諸苦者仁也我祖宗之所以垂裕後昆者亦

仁也佛外無心心外無佛感應之機其在是歟至  
 建創之歲月制度之崇庠皆略不載惟述靈異之  
 跡云宋理宗靈感觀音大士贊神通至妙兮隱顯  
 莫測功德無邊兮應感何速時和歲豐兮佑我生  
 民兵寢刑措兮康此王國田錫題上天竺寺詩三  
 月楊花撲馬飛聯鑣來款白雲扉湖邊鐘磬含清  
 籟樹杪樓臺靄翠微野景留人狂欲住春光嘒鳥  
 勸思歸萋萋芳草重回首十里松門照夕暉釋道  
 潛謁上天竺觀音大士詩十年江海去飄然竟夢  
 長依鷲嶺邊月地雲階重到處殷勤稽首白衣仙  
 蘇軾雨中遊天竺靈感觀音院詩蠶欲老兮麥欲  
 黃前山後山雨浪浪農夫輟耒女停筐白衣仙人  
 在高堂又聞辨才師復歸上天竺以詩問信詩道  
 人出山去山色如死灰白雲不解笑青松有餘哀  
 忽聞道人歸鳥語山容開神光出寶髻法雨洗淨  
 埃想見南北山花發前後臺寄聲問道人借禪以  
 為訴何所問而去何所見而回道人笑不答此意  
 安在哉昔年本不住今日亦無來此語竟非是且



食白楊梅釋清順宿天竺詩昔人不可見行路多  
長松空遺煉丹處非幹綠苔封月明還獨宿白雲  
下疏鐘夜半桂子落不知自何峰釋斯植上天竺  
寺詩古寺寒橋路鐘聲靜忽聞數峰平處合一水  
眾溪分老樹煙蘿雨殘燈石塔雲間心寄幽寂似  
覺遠塵氛孫雄飛上天竺詩行窮湖上徑迤邐到  
林巒地瘦馬蹏澀水清山骨寒樓臺樹杪鐘磬  
鬧雲端自笑利名役未能來掛冠張棡過上天竺  
寺詩上竺諸天近中林萬木低迴超塵世外恍入  
雪山西忽漫參龍象行將混鹿麋何年釋替紱於  
此獨幽棲朱子春日過上天竺詩竺國古招提飛  
甕碧瓦齊林深忘日午山迴覺天低琪樹殊方色  
珍禽別樣嘒沙門有文暢啜茗漫留題呂祖謙遊  
上天竺詩淨域何虛寂居然隔市喧僧來渾不語  
吾亦欲忘言至樂存簞食浮名類觸藩行行返初  
服資趾老邱樊真德秀遊上天竺詩世事不可了  
還須入是山遙尋黃葉路迴出白雲開淪茗止煩  
渴談空得笑開飄飄有餘興歸去掩柴關魏了翁

遊上天竺詩風波滿平地世路繞羊腸急欲逃塵  
網遙登選佛場雲深午猶暝竹密夏生涼興逸忘  
歸去高眠借石牀戴復古遊上天竺詩好山看不  
了遂借上方眠酒渴傾花露詩清瀉澗泉生無適  
俗韻老欲結僧緣睡覺鐘聲曉窗騰柏子煙仇遠  
遊天竺詩二首行徧山顛到水涯尚無紅葉與黃  
花長松夾道六七里小墅通村十數家竺國雲深  
僧寂寞草堂洞古石嵯岈野翁共醉宮壺酒扶醉  
歸來已暮鴉登覽欣逢勝日閑蒼松九里費躋攀  
行過綠水盡頭路步入白雲生處山猿鳥尚能知  
異境仙凡原不隔重關幾時拂袖逃塵網野衲村  
樵共往還白珽宿上天竺詩名山倦遊歷掛起手  
中藤佛國三生石天台百歲僧定回松院磬吟苦  
雪龕燈媿我心猶雜何因問二乘趙孟頫遊上天  
竺寺詩九松曾入畫三竺久頻登忽遇餐芝叟遙  
尋辟穀僧風泉喧梵唄煙月炯禪心聞見皆真諦  
慚余悟未曾倪瓚宿上天竺寺詩禪月湛高秋金  
天夜色幽珠林星彩動碧殿露華浮蓮漏忙催酒



松濤怒撼樓清涼徹毛骨吾欲換貂裘王蒙遊上天竺詩選勝謁蓮臺松陰結駟來臘醅移宿釀春服試新裁膏雨朝初歇香雲午未開催詩頻擊鉢麗藻愧鄒枚鄧林遊上天竺分韻得壑字詩勝日拉良朋肩輿出西郭盤盤松繞徑瀟瀟水赴壑行到水窮處好山圍佛國岳蓮倚天開小朶青欲落下竺與中竺咫尺相聯絡上竺猶在望白雲飛漠漠更前二三里五峰起參錯紺宇敞其中紫翠映丹麓禮佛誠方露探奇興隨作躋攀至半山有亭頗幽豁小憩未移時暮煙起叢薄或言林有虎聞者盡驚愕踉蹌遽回步雅懷轉蕭索老僧城中回延登最高閣言言相慰藉情況殊不惡開爐煨大瓶自取佳茗淪清供出齋厨亦稍行杯酌談論至夜分斜月射簾箔樓禪七尺牀雅稱伸閑腳身安夢亦便逍遙徧寥廓似見白衣人晨鐘忽驚覺自笑利名韁羈人甚於縛起來萬慮生衣裳顛倒著留詩謝老僧更訂重來約沈周登上天竺詩佛國最深處令人不倦遊鳥嘯千樹杪鹿下五峰頭地

靜鐘聲遠山明寶氣浮老僧禪觀熟詩亦似湯休楊一清宿上天竺寺詩望窮窈窕更崔巍勝槩元從混沌開天際芙蓉誰削出海中靈鷲自飛來古壇陰洞雲千疊澗草巖花路幾迴三十舊遊今七十偶然行樂莫相猜申時行謁大士詩三竺雲深一徑斜屨衣重到梵王家皈心自禮青獅座演法仍聽白鹿車谷底生風聞靜籟簷前飛雨散空花病中猶有維摩在且向名山閱歲華李奎遊天竺寺有懷謝康樂詩秋光淡岩岫入谷聞晨鐘白雲嵌紫芝峰朶開芙蓉林香晝自結夾道羅長松沙廣草煙薄溪深花露濃梵嶺鬱飛鷲咒潭降毒龍閒禽互交語道侶時相從久矣悟空寂齋心禮金容精廬隱暮色疏食修珍供還憩崖亭上永懷高人蹤葉向高宿天竺贈雲堂上人詩萬峰行盡出孤龕高臥平分塵尾談夢冷霜楓歸海上秋隨衡雁到江南曇花香散僧初定草徑苔生鹿自諳正是東林逢慧遠不禁明發動征驂朱國祚宿上天竺寺詩丹楓落葉思悠悠古剎名山不厭遊高臥



何妨雲入戶長吟惟有鶴為儔竹搖燈影千巒夕  
松作濤聲萬壑秋竟日徜徉忘去住此身端為白  
留雲

十六觀堂

李綱上天竺寺十六觀堂碑記上天竺

錢忠懿王因感大士靈異闢地聿新之名曰看經  
院逮高宗南遷迭見祥瑞聖駕不時臨幸乾道元  
年二月住持若訥宣對稱旨四月特賜御幣金帛  
鼎建十六觀堂以為止觀之所極其宏麗東宮親  
書扁額以賜曰超諸有海先是辨才淨法師於嘉  
祐熙寧間兩住本山兼統禪講二教律三宗賜詩  
褒美東宮復書歸隱之額聽其退居興福訥以觀  
堂之設厥功甚偉聖王之意正欲闡明教觀虔修  
金光明懺法於智者乍興之時以續佛慧命訥謂  
不具紀述鐫勒堅珉則無以昭示聖王之令典時  
子提舉洞霄宮侍予撫其寺之顛末以詔來者知  
所紹述不惟表章前聖之殊恩抑亦振揚如來之

隆緒是為記樓鑰十六觀堂記嘉定改元歲在戊  
辰四月乙巳被命禱雨於上天竺山住持左右街  
僧錄妙珪有請曰公頃年直學士院時嘗許以修  
造記既而去國遂求於內相洪公今公既再入朝  
而寺之十六觀堂成願求記文以騰前言余何辭  
余四明人也城中延慶教院為東南最盛處嘗一  
至其處上天竺山以觀音大士功德殊勝四民所  
欽孝宗皇帝留心內典乾道三年二月駕幸此山  
修供大士賜緡二萬俸建此室遂寫延慶規模以  
為之嚴淨精妙過者必肅又嘗命建於禁中退朝  
餘暇多燕坐其上或引禪律高僧設齋講道非人  
間所可及也光宗皇帝時在潛邸奉旨書額自此  
四方修梵行者接迹其中然物之廢興不離於數  
開禧二年七月二十六日燈炮為災悉以灰燼珪  
以竭力營建於期年又過於舊金碧輝映稱其  
所謂淨土之說得旨再摹光宗御書揭之山去都  
城最遠幽邃秀潤固已素離塵染况又為此淨處  
坐進此道者可不勉乎余去年告老不謂復為此



來珪公住山十有七年建立勝事又作復庵於山之南為歸老計道俗歸嚮領三數百眾修進不倦累朝眷遇至今不衰余非久於此者將復尋延慶之遊又不能推明九品十倫之旨特以珪請之勤為書其實以遺之

復庵

陸遊上天竺復庵記嘉泰二年上天竺廣慧法師築退居於寺門橋南名之曰復庵背負

白雲峰前直獅子乳竇二峰帶以清溪環以秀竹嘉木凡為屋七十餘間寢有室講有堂中則為殿以奉西方像設殿前闢大池兩序列館以處四方學者炊爨湔浴皆有其所牀敷巾鉢雲布鱗次又以為傳受講習梵唄之勤宜有遊息之地以休其暇日則又作園亭流泉以與學者共之既成命其弟子了懷走山陰鏡湖上從予求文以記歲月開禧元年三月三日記

天仙閣

沈遼題上天竺天仙閣詩久厭朝市尤粗能忘俗纏暫依梵唄地行結西方緣山前

種香稻山下流清泉此地既岑寂此心良泰然法師清淨觀招我修初禪斯言倘不踐何路休餘年

白雲堂

沈遼天竺白雲堂詩四十餘年隨世緣眼花頭白更茫然他時一念若不斷來向此

山開福田蘇軾題辨才白雲堂壁詩不辭清曉叩松扉卻值支公久不歸山鳥不鳴天欲雪捲簾惟見白雲飛王守仁題白雲堂詩白雲僧舍野橋東別院迴廊小徑通歲古簷松存獨幹春還庭竹發新叢晴窗暗映羣峰雪清梵長飄高閣風遷客從來甘寂寞青鞋時過月明中

國朝順治十七年殿燬康熙五年重建三十六年十月

十五日

賜御書石刻金剛經三十八年三月

聖祖仁皇帝南巡二十四日二十六日



聖駕兩幸寺中

賜御書法雨慈雲額

太皇太后賜內帑五百兩修葺大殿前後殿宇

御製重修天竺寺碑文

朕御曆凝庥心周區域省方設教蹕駐湖山眷茲民力  
於東南詎止皇輿之名勝若乃因其舊蹟無侈前觀則  
天竺寺之所由以重修也粵惟鷲嶺著於西方法輪則  
一竺峰麗於南國名利維三固緇梵所薰修亦仙靈之  
窟宅潮音送響遙接普陀塔影橫空長留舍利瑞光發

於澗上奇木像大士之容白衣感夫夢中淨域建看經  
之院或旱乾間作禾麥告枯而旛蓋來迎霖雨濡作有  
禱輒應無福不臻斯固歷晉宋以迄今實亦載簡編而  
可信意者能仁之量等於好生佛道之成關乎民隱推  
斯指也不其偉與將使般若之門隨方而啟仁壽之域  
舉世咸登有其興矣曷可廢哉朕曩者親奉

慈闈式臨茲宇自芳湖而西顧望初地以南循輦過花迎  
旌迴雲捲巖深乳竇含眞珠之寶光峰轉飛來帶瑠璃  
之紺色百靈斯護七聖不迷旣祝我



皇太后壽履康寧復冀凡茲庶民室家盈慶然則釋迦之  
弘慈與國家之布德豈有殊也顧念山靈如昔寺貌未  
新我

皇太后為國發心為民祈福特申

慈命重葺香林茲役之興不妨民事凌雲再煥將無乾竺  
之靈匪日成功實篤坤元之慶恆沙國土偕常樂以同  
升億萬蒼生享太平而無極是則我

皇太后之聖心依然迦釋之心而於朕經營天下利濟生  
民之心亦適有愜也夫

四十二年二月十七日

聖駕再幸

賜帑金四十八兩四十三年二月十九日

賜御書金字心經一軸四十六年四月初七日

聖駕再幸

賜御書金字藥師經并

御製藥師經讚讚曰

弘慈正覺願力無邊惟琉璃光朗照大千功德普徧法  
象昭宣寒衣飢食祐善解愆介壽錫福燕翼蟬聯家敦



忠孝俗化黨偏兵銷刑措樂利安全敷天率土賴是因緣清寧鞏固萬禩延綿

六十一年春大殿并左右前後殿宇碑亭等俱燬

雍正七年總督 臣 李衛即藏經閣址起造

御書樓上供金書法寶中立碑文 李衛恭紀天竺寺碑陰洪惟

聖祖仁皇帝臨御六十一年文德覃敷武功懋茂仁育義

九重不忘民依

省方觀風南巡江浙

六龍所屆膏澤隨之乃於翠華臨蹕之餘流覽西湖天竺之勝特念茲寺創建久遠夙號禪林而鞏震無華金碧減色非

所以安妥慈氏錫福兆民

敕發帑金重為潤色既

御製睿序壽之穹碑復

賜金書尊經以為鎮山鴻寶 南之鉅麗也歲在辛丑不戒於火於是寺僧寶岐等請於藏經閣舊址恭建巍樓上供

天文佛日交相輝映湖山動色草木回光美哉盛乎誠東

金書奉 御書而翼於樓之正中臣既喜此舉乃更捐俸倡首維時

皇上教育之仁蠲復之澤又以八方寧謐大有頻書亦

龍章華煥山川神后永相呵護梯航裔域來遊來瞻既足

聖祖仁皇帝功德之隆盛且於

皇上孝思維則之



聖衷或亦仰副萬一則臣之所愉快也謹拜首稽首恭紀於碑陰 雍正九年總督臣

李衛奏請興修奉

旨賜帑金重建寶殿

吳山路

海會寺

在石佛山

西湖遊覽志吳越王建舊名石佛智

果院大中祥符中改名積善海會寺咸淳臨安志

中廢止存星宿閣嘉泰間毀以其地為進奏院撥

賜寶積廨宇及扁鵲堂建寺武林梵志至正間重

建成化十年火僧浩中重建李旻海會寺記寺據吳山東南岡號稱勝

地錢塘江湖橫其前鳳凰峰巒擁其後俯視一城之中闔閩達路可指而數初名智果院元至正丙子重建而易今名至正辛卯又火乃拓舊基而大之江浙行省平章夔夔子山為題門額曰大海會寺而觀音寶殿則御史大夫慶童所題也洪武間第寺之甲乙海會遂為巨剎成化復毀住持僧洪忠有徒曰宗人乞施建大雄殿天王殿山門觀音殿兩廡庫庖漏無不具備殿中為丈六金像及諸勝悉復舊名

國朝康熙十年天王殿圯僧明貞等重建三十七年重

修雍正九年總督臣李衛增葺大新其制李衛重修海會

寺碑記吳山東岡有海會寺面對大江後翼重巒城中隱市廬井燦然如在履舄下固東南明秀區也寺建於吳越錢氏有國時名石佛智果院宋代代賜名積善海會寺元至正中獨稱今名廢興者屢



每當興復必拓舊規而大之前後凡三進每進三楹天王諸菩薩像皆具而正殿則虔奉大士像於中官斯土者遇水旱告愆必迎天竺大士於斯積誠祈禱呼吸可通蓋靈氣所萃實式憑焉自宋迄

天子命總制是邦再閏已逾吏民相浹時和年豐間或

雨暘不若為民請命無不立驗庚戌夏以祈禱故

止息於寺搜覽碑碣知自

國朝戊寅重建後歷有年所已酉略加修補而餘制猶

未備恐久而弗治行就傾圮乃飭所屬庀材鳩工

凡梁柱之朽蠹者榱桷之撓損者甃瓦階級與垣

墉門廡闌楹之頽壞者一新之佛像莊嚴諸天羅

列金容寶相光耀雲表而又於殿庭之隅建廳事

三楹以為官吏齋宿之所閱兩月而訖工費取諸

公羨不以簣土寸木徵應於下防累民也役既竣

乃進屬吏而告之日若知所以修建之故乎非為

崇象教飾觀瞻修禪林之闕麗已也蓋體

聖天子惠下民之至意必欲釋其疾苦予之安樂苟

有利益於民者務設誠致敬使之陰相默佑以納

於太平仁壽之域故明以誠感靈以誠應有必然

無疑者是海會寺之崇大士與寒暑時日星雩水

旱之祭有禮殊而誠合者矣今年春

皇上撥動帑帑三萬兩

詔修天竺大士之宮而予於奉

命舉行之後復新海會古刹蓋精廬雖異靈照則同既

為

聖天子之所垂注意億兆人之所翬仰不尤當敬謹增飾

以為揭虔妥靈地耶至此寺累朝興廢之詳見於

朝少明翰林修撰李公昉按察副使趙公寬暨我

而子飭屬修建之費凡木石甄篋髹漆之屬役夫

之工具有籍記載故略而不書時雍正辛亥十月

東嶽中興觀在吳山馨如坊至德

咸淳臨安志大

觀中建東岳行祠規制略具紹興七年鄉民始營



葺之二十九年有茹氏者捐資訖成之翼以道觀

嘉泰辛酉燬包道成募緣重建扁曰崇道菴嘉定

乙巳始請觀額紹定辛卯嘉熙丁酉仍燬趙定撫

與懽乃即其地改卜北向建廟淳祐壬子趙安撫

與懽又易而東明年理宗御書東嶽之殿以賜

陳壽文謝賜御書觀額表伏以琳館肇新位定東方之

震宸奎寵錫光昭南面之離道日普明宗風益振

竊以泰山之主實為方岳之宗眷此神皋首從祀

典海山歸會坐令江漢朝宗火木相生有永邦家

王氣當奎婁之躔次控青岱之要衝鬱然膚寸之

雲徧若崇朝之雨權既尊於管攝嚮當取於發生

壽文浪跡江湖猥司香火甫鳩工之有日忽渙號

之自天畫燦雲章增重湖山之勝墨文鳳翥於昭

雲漢之光聳三極之具瞻翕萬靈之拱護齊休宗

社永鎮乾坤伏遇既聖多能清心寡慾仁風溥博

撫先王必世之時厚德施生致大道無為之化兵

鋒偃息民俗阜安瑞露凝甘景風吹暖際此清閑

之燕遊茲翰墨之林遂致微臣亦從所禱臣應對

洒掃仰瞻御畫之星垂曉夕焚修願祝皇圖之鞏

固寶祐元年西湖遊覽志元末燬明景泰間重建

癸丑三月日成化十年大火觀亦延燼嘉靖十一年道士徐志

源重建侍郎江曉為之記

玉樞道院 在東嶽廟左俗稱神霄雷院 明天順六年建後圯

國朝雍正九年總督 臣 李衛捐資飭屬重建

至德觀 在吳山上俗名太歲廟 咸淳臨安志即十一曜太歲

西湖志 卷十三 寺觀四



堂也元隸太史局紹定四年燬羽士請以為廬端

平三年成御書扁曰至德之觀西湖遊覽志元至

正燬渾儀無存行省丞相達識帖木兒重建宋授

德觀記杭州吳山至德觀相傳崇奉太歲帝君香

火載稽郡志宋淳祐元年尚書省牒道士龔道清

焚修住持由來遠矣江南歸職方氏復益葺理就

緒至正壬辰蕩為灰燼浙省丞相達識帖木兒上

承寵眷砥柱南服養民事神靡不勤恪鼎新營建

命理問官大都沙總其事宣差帖木督其程經始

於至正二十二年四月告成於是年十月中建至

德殿後起星宿寶閣前植山門翼以兩廡丹雘照

日觚棧插漢肖塑三大帝眞五星九曜周天星宿

后土神煞慈嚴猛奮起敬起愕又以餘力治方丈

井爨在在完好跨越前元末燬天順六年道士吳

規施者禱者雲集焉

志中重建成化甲午大火諸廟皆焚而茲觀無恙

每歲迎奉勾芒之神於此史繼宸至德觀記吳山

之東偏按郡乘宋紹興間在渾儀臺側奉歲神歲

首春勾芒宅焉天子為題額至正燬渾儀廢而閣

復建設天帝星曜象俗稱星宿閣元末復燬天順

閣始振於道士吳志中為復閣閣上奉天帝羣曜

閣下奉至德及勾芒六甲巋然高峙上兩旁風蠡

蝕其裏不葺且圯不佞新之觀者壯焉閣前距百

清源崇應觀

在吳山  
上久圯

咸淳臨安志寶祐元年蜀人



牟子才等陳請云大江發源實是汶江清源真君  
廟食其土治水之蹟為世大利朝廷春秋祠享神  
實作配旨就吳山下地建廟御書清源崇應之觀

清源之殿

承天靈應觀

在吳山巔城隍廟左俗稱三官廟

咸淳臨安志舊故

天地水府三官堂紹興開改冲天觀紹定四年燬  
端平元年重建改賜今額仍建梓潼帝君行祠淳  
祐十年旨增建玉皇上帝寶閣西湖遊覽志元末  
燬洪武二十三年道士嚴一清重建弘治七年道

士沈元理章德芳相繼修之

任士林承天靈應觀在杭

州東南隅吳山之巔至元十三年元靖真常大師  
陳君元德實主觀事隸觀之田有司籍在常住免  
其租入元德力也初觀曰冲天創於宋紹興祠天  
地水府三官費內帑緡錢若干萬燬於紹定建端  
平始復建奉旨賜今額淳祐中增建玉皇寶閣方  
紹定既燬而未復也觀妙大師鄭君守一慨然曰  
是不可不圖神營心計上移時宰江淮列閭千里  
求施出殿闕於瓦礫之場列幢蓋於塵煤之聚祥  
之佩三官朝而玉皇侍也川行岳立景福攸介三  
門廊臺守藏之室齋庖之房周阿崇峻列楹齊月  
翼以梓潼真祠朱仙閣宇觀於是侈於舊矣始漕  
臣嘉鄭之功白禮部俾以承甲乙嗣鄭者惟其宗  
今三傳元德為善繼使繼陳而起知鄭之心弘陳  
之守觀且久弗替矣於是乎記吳訥登吳山留題  
承天觀詩滿目盡樓臺路從山頂來潮生沙岸沒



雲破海門開官舍籠鷲去道人騎鶴回題詩向何處石壁掃蒼苔劉基題承天觀詩吳山頂上承天觀玉牒金符鎮地靈百尺樓臺依斗極九霄風露出窻櫺江聲洶湧蛟龍闕雲氣虛無翡翠屏見說蓬萊恰相對仙凡只在隔滄溟

百法寺在石龜巷西湖遊覽志宋建炎初僧寶寧建有

大佛半身依山鑿石爲之咸淳臨安志舊名百法

庵淳熙十四年移湧金門外廣潤院爲額武林梵

志元時改額百法趙子昂書元末燬明天順元年

僧道冲重建

寶奎寺在七寶山頂兩湖塵談在吳山下門徑幽深樹

石清雅乃宋相喬行簡故第石上刻見滄二字相

傳理宗書西湖遊覽志行簡舍宅爲寺以寶奎請

額元季燬明弘治間重建尚書洪鐘爲記

元妙觀在石龜巷咸淳臨安志唐時爲紫極宮梁開平

二年改眞聖觀大中祥符二年詔諸郡建天慶觀

嘗以元眞觀爲之天禧三年郡守王欽若奏徙天

慶觀額於此紹興二十六年重修紹定四年燬重

建盧壯父天慶觀記天錫大寶命於有宋澶淵既捷以大中祥符紀元之明年詔天下都邑並建

道觀一錫名天慶於以崇清靜而洽淳熙陟降左



明旨諸天慶觀悉嚴奉聖祖天尊大帝像設卓哉  
 皇乎生民尊祖之丕範順天立教之宏規也惟錢  
 塘左江右湖天慶奠址負吳山南鄉中興駐蹕隆  
 上都而觀萬國歲時尹漕帥屬朝謁如遇誕節內  
 而官省外而臺省歸美報上者必於是事隆體特  
 非他郡比紹定辛卯秋厯居畚紲不戒爰暨茲宇  
 皇帝首斥內帑金帛祠牒更朔之自宮掖邸第至  
 都人士罔不捐貲佐役明年春聖祖殿成藏室承  
 東齋廬延西重門洞開迓雲車風馬之靈祕宇巍  
 擁妥龍龜朱蛇之神於是住持觀事陳永顯經工  
 庀材實敏實勤上聞而嘉之申以錫賚為錢萬緡  
 俾迄其事又明年三境列真之庭始克備內出天  
 慶之觀四大字以落之金扁璇題奎壁輝絢穹偉  
 淵靚陽曜陰藏穆穆焉天下之壯觀矣淳祐二年  
 夏四月西湖遊覽志元時改元妙觀尋燬洪武間  
 甲子記有陳四者佃其西之半陳無子捨道士俞復中重

拓之觀後有石洞幽雅陰寒夏遊最快觀中有蕉  
 花一株以盛衰卜休咎成化杭州府志今其東半  
 亦有葺治營構者乃以真聖舊額與元妙並立  
 節元妙觀詩榴皮書壁走龍蛇池上芭蕉又見花  
 北闕恩承新雨露西湖光動舊煙霞春風日長元  
 都樹秋水星回碧漢槎修月功成三萬戶蔬珠宮  
 裏誦南華歐陽元元妙觀詩羽衣榮捧紫芝泥除  
 道松關驛馬嘶水國蜚符驅海鱷雲房解榻聽天  
 雞月中桂子吹香送池上蕉花與屋齊珍重穀城  
 黃石老輕身許我躡丹梯俞焯元妙觀詩二首鍊  
 師挂杖挑雲去路出通川載小車黍米重開元始  
 劫芭蕉曾見上年花回仙何在詩留壁了台能來  
 鶴去家珍重元元談妙有春風香案禮東華歸尋  
 巖客問題詩江上人城半是非關外青牛莫西去  
 遼東白鶴且南飛秋千節裏過寒食淵九人前杜



德機池上蕉花春不老年年香醉九霞衣張雨元  
 妙觀詩巖頭紫殿插欄牙直下蕭閑水竹家赤鯉  
 見人翻鼓浪元日夫據石細吞霞仙留池上青蕉在  
 飲散林閒白日斜挽住冷袍遮醉語莫令辜負美  
 金華張翥元妙觀詩遠別仙人黃石翁一龕香火  
 領祠宮青衣洞僻荒苔雨白馬山寒古木風金鼎  
 空歌聲渺渺蒲團晏坐息濛濛不知巖客重來否  
 零落蕉花石沼中林清源元妙觀詩學授黃庭演  
 道機虛堂習靜坐多時鶴來似憶千年事僧老曾  
 看幾局棋苔影侵碑微見字蕉花滿地更無詩江  
 湖若遇呂巖客為問龜山籍有誰貢奎虎林元妙  
 觀詩琳宮古崔巍獨有山勝絕天光垂帝座照曜  
 金碧色修廊接層崖俯目視深澤陰木葉暗石  
 削蒼壁列流泉出嵌空六月洒飛雪平生功名謀  
 洗我肝肺熱同遊得幽人再拜摩斷碣興亡見  
 漢唐高爽了吳越更擬窮幽探馳景忽西滅

眞聖觀在元妙觀左 西湖遊覽志後唐乾符閒建吳越

土改兩浙眞君廟元季燬明正統九年重建

普光庵

在忠節祠北

西湖遊覽志元元統閒丞相莫華

捨地僧法藏建

紫陽庵

在瑞石山

成化杭州府志嘉定閒邑人胡傑居

此建集慶堂元至元閒道士徐洞陽改爲紫陽庵  
 其徒有丁野鶴棄俗爲全眞西湖遊覽志其庵久

廢道士范應虛重建作玉虛望江二樓

馮夢禎重修紫陽庵

記武林諸山脉自天目龍飛鳳舞挾江湖海之巨  
 麗而盡於吳山吳山之最勝曰瑞石山志稱其秀  
 石玲瓏巖竇窳窳寒泉滴瀝匯爲澄泓清幽徹骨  
 空翠撲肌蓋寶錄也而紫陽庵者又擅瑞石之勝



宋嘉定閒邑人胡傑居此始建集慶堂元至元閒羽士徐洞陽庵之改今名其徒丁野鶴者棄俗棲真屏居於此將化之日召其妻王守素入山付偈云懶散六十年妙用無人識順逆兩俱忘虛空鎮長寂遂抱膝逝端坐如生漆脫尚在野鶴所證蓋得北真之道者而紫陽則張平叔別號又南真也南真修形神俱妙之術北真兼契虛無其歸雖同入處稍別豈有師南而徒北耶然不可考矣庵久廢正統甲子羽士范致虛重興之作玉虛望江二樓聳大年為之記然庵踞直指臺之上招呼可及以故頗禁登陟遊人鮮少香火寥寂自正統迄今凡百五十年又不知幾經廢興矣今左史溧陽史公遊其地而樂之曰美哉斯境蓋仙真之所宅靈淑之所會而頽圯若此合崇奉靡托瞻憩無所其何以助登高之傑思豁望遠之冲眸此地主事也乃議新之庵東故有會真堂平屋三楹因而樓之側樓四楹輔之殿倚山山故有蓬萊閣三楹其址僅存因而亭之金碧輝映旦暮改觀山若闕而壯

泉若濬而澄左右江湖若滌而寬數百里山川遠近獻狀於咫尺之下若廓而新是役也經始於某月日落成於某月日工費凡若干而屬予記之公名某字應之與余俱丁丑進士改庶吉士程敏政與問方伯飲紫陽庵次韻詩一縷茶煙濕未消幾梯雲路暗通橋濤頭盛擁鳴夷怒亭上清留野鶴標病日臨風常帶纈敝裘經雨半成潮重來便擬非生客徑揖山靈不待邀

重陽庵

在吳山之右馨如坊

重陽庵集

始自唐開成閒祖師

韓道古結茅以居感青衣童子出現有泉自洞中湧出瀦而為池歲旱不竭後大德閒西川道士冉無為雲遊至浙因觀青衣巖洞遂蓋三清寶閣元帝聖殿嗣漢三十八代天師廣微子書青衣洞天



吳山福地十方大重陽庵一十四字刻於石壁洪

武二十四年立為全真叢林丙子道士鍾道銘重

建成化十一年住持梅道暹新之留青日札重陽庵人多不知所

取義今南山地名道姑灣掘土五六尺即見庵基

輒瓦無恙且有佳山皆太湖佳石土人云重陽女

庵也與地名道姑灣相合城中重陽庵郡志不載

其故而石壁但有元天師廣微子所書大重陽庵

字則此或下院也但重陽之名不見於宋或曰始

於元大德間或曰重陽女庵乃宋高宗二宮人出

家於此蓋香火院也此亦臆說按道

書言上為陽而清又為陽故曰重陽

青衣童子亭陳贊重建青衣童子亭記重陽庵在

士全真之所庵後有洞流泉出焉紺寒澄碧大旱

不涸相傳有青衣童子現洞口好事者因構亭泉

上而覆之內塑童子像遂名之曰青衣洞洪武丙

子湖廣常德郡丁啟東氏來遊於杭嘗夢一道士

攜童子衣青衣抵其旅寓曰以此子贈君問所從

來曰自重陽菴覺而異之至其所見亭中童子像

儼然夢中所觀歸果得一子次年復至杭重建亭

覆以陶瓦加之藻繪所以答靈貺也啟東既捐館

子玉宇潤山克有成立讀書勵行宣德中以賢良

方正薦為閩縣簿其母謂曰若父以爾故作亭於

杭之重陽菴蓋往視焉敝則新之庶不忘爾父之

出俸金若干付本菴住持何君志遠成之又托其

友人江君用時協相焉於是市材庀工經始於正

統九年十一月十六日越兩月而落成其規制渠

渠翼翼美輪奐觀者嘉歎志遠欲礪石刻文以

誌顛末屬筆於予是為記張羽重陽道院詩玉洞

泉香草自春丹樓南下瞰城闌青衣童子曾來地

鎖秋塵松間道士多凡骨未省誰為出世人



寶成寺

在寶蓮山

咸淳臨安志天福中吳越王妃仰氏

建舊額釋迦大中祥符中改今額寶祐五年賜額

曰寶成寺有石觀音羅漢像武林梵志歲久廢為

黎氏園萬曆壬子方伯吳公請捐貲建大觀樓

開元寺

在清平山

釋氏稽古略開元二十六年詔天下

州郡各建一大寺以紀年為號額曰開元寺西湖

遊覽志宋建炎間徙建西湖元季兵燹復徙故址

寶月寺

在寶月山久圮

咸淳臨安志龍德三年錢氏建舊

名瑞像大中祥符元年賜今額

廣嚴院

在七寶山久圮

成化杭州府志後唐清泰元年錢

氏建舊額瑞隆宋治平二年改是額寺有雙竹甚

奇咸淳臨安志中興後分寺基為御厨營景定初

惟一重建

王應鳳重建廣嚴院記杭之七寶山有仁祠焉其初曰瑞隆後唐清泰二年所

建也逮治平更號廣嚴熙寧間蘇文忠公遊而樂之為賦雙竹湛師房及新開徑諸詩林間煙雨清坐忘憂固已形在江湖而身超祗鷺矣自六飛駐蹕析其地十之八為內養胥徒之居履綦轍迹略無可考其在淳熙有僧善資者復葺之發地得鐘焉有銘在欒則寺故物也既燬於辛卯而俗以銅鐘名其寺或笑曰是亦鐵爐步之比耶一日過市見寺之主守惟一曰自吾師祖慶居是山謀斥而新之尚方長秋皆有賜惠順妃亦如之時太傅大丞相魯公專闢東淮布施加厚亦既建閣五楹以



奉圓通功垂成而終惟一嗣之不勤誘掖欲成吾師之志倘亦嗒然如雲則功廢矣余聞而歎曰慶與一師弟不緇囂塵以鳩眾力巧於用狹興於久廢於閣之下為殿像設位置咸與地稱羯磨之室法音之樓爰及庫藏庖福器用悉備蓋堅忍精進皆有過人之材吾徒之飽食安步者或愧焉遂書之以遺

通元觀

在七寶山麓

西湖遊覽志紹興二十九年内侍

劉敖入道修真結菴於此高宗御書通元二字榜之賜名能真内有壽域樓萬玉軒望鶴亭謁斗壇白鶴泉鹿泉嘉靖閒法師徐道彰重修其徒郁存方修志存方禱雨祈晴往往靈驗觀中修竹蔭庭

赤日無暑

虞元良通元觀記瑞石山通元觀宋紹興壬午都錄少師鹿泉真人劉敖之所

建也敖高宗内侍志慕元元乞為道士高宗賜名能真榮之爵號俾主靈壽觀真人嘗夢三茅君乘鶴至瑞峰之陽旦而見三鶴飛翔夢所良久乃去明年是日鶴至如初真人感之請於高宗爰建殿以祠三茅又立三清殿於山巔後列謁斗臺望鶴亭及道流棲鍊之室高宗命曰通元書額賜之是為觀之始也元道士俞行簡重修有貫雲石虞伯生張仲舉諸公贈詩存焉元末兵火殿宇為墟古像不毀人異之皇明成化庚寅道士徐淵澄與其徒徐道彰即舊址興建盡出已資人亦樂相焉琳宇崇麗玉像精嚴碧瓦鱗次瑤階昉截盤磴曲闌嘉木秀合於是通元之勝殆不知在闔闔中矣道彰之孫郁存方善繼先志得厥祖之道嘉靖庚寅觀復災惟三清殿力救僅免復加修治堅完輝潤曲盡心力倚山為宮嵐潦蒸溢懼其易壞也檻柱堦垣悉用貞石坊磬孔固石崖瑩密特異他山舊



刻宋高宗詩三茅君鹿泉像及諸名人題志乃又  
 增刻元一像而修飾之位置有法皆自存方規畫  
 也宋高宗賜劉能真詩簡易高人道崇元性自真  
 身常居太極心已遠凡塵玉陛辭榮祿瑤臺役鬼  
 神侍宸三十載羨爾道心醇太白寵從東南馳眾  
 嶺環合青分披煙雲厚薄皆可愛竹木疏密自相  
 宜陽春已歸鳥語樂溪水不動魚行遲生民無不  
 得處所與茲魚鳥皆熙熙吳芾贈劉真人修道詩  
 乞歸學釣錦江魚買地吳山更築居興逐煙霞心  
 自遠身辭榮祿客來疏宜春花滿增新圃返老丹  
 成卻祕書悟向忘言誰共得祇應回也日如愚買  
 雲石贈俞行簡法師詩遁迹復忘形丹成養性靈  
 精誠動神鬼呵叱走風霆鶴去松雲滿龍歸雨氣  
 腥送師歌短曲涼吹滿江亭黃唐通元觀詩雲氣  
 深深護石壇紅塵飛不到闌干清  
 陰滿地無人跡一徑松風鶴夢寒  
 壽域樓賀洪題壽域樓詩百尺亭亭倚太清綺雲  
 浮蓋護雕楹龍光夜透思陵敕鶴背時聞

子晉笙天目遠分山脈秀海門遙駕旭輪  
 升登臨每起遊仙興欲御天風過島瀛

望鶴亭趙孟頫登望鶴亭詩上有白鶴翔下  
 有幽人居幽人道當成白鶴來不虛

萬玉軒李旻題萬玉軒詩雲軒四面琅玕繞半欽  
 松陰誰為掃六月涼生暑不侵一天雨過

秋先到琴書潤濕衣袂寒清風搖曳朱闌  
 干我欲借此讀書處驚動山神安不安

國朝朱復元朱廣基重修

七寶菴在七寶山久圯西湖遊覽志元延祐閒道士元谷

建至正閒貝一默重修

謹案七寶菴不知圯於何年今七寶山龍神廟後  
 有七寶叢林奉元武武神神係銅像明萬曆間參政  
 查允元荆建正殿西向全湖之勝  
 皆可俯視在城市中境最幽僻



定水寺 在七寶山 咸淳臨安志 舊為觀音菴 西湖遊覽

志 宋乾道八年建於萬松嶺 嘉定八年移清波門

外元至元十年築城徙此

開寶仁王寺 在七寶山 咸淳臨安志 先是東京開寶寺

有仁王院僧慧照大法師隨駕南渡 紹興五年奏

請權建於七寶山 紹興三年詔賜敕額 嘉泰甲子

紹定辛卯一再燬 僧祖仁重建 端平元年尚方鑄

鐘以賜 淳祐元年御書寺額 景定五年燬 重建 程

許重建仁王寺記 仁王院舊隸東京開寶寺 藝祖皇帝六龍御天沙門智巖奉敕興創至慧照大師

法畢領徒從高宗大駕南渡 奏疏行闕 請卽錢塘  
七寶山改建 主大內祈禳 事如典故 制曰可 嘉泰  
甲子以居民火延燬 僧祖仁慨然以肯堂自任 不  
數年浸復舊觀 再燎於紹定辛卯之季 秋今皇帝  
嗣履大寶 亟命司藏 輦昇金幣 為之經始 豪貴風  
動 叶相其成 古石佛像 觀音臺殿 宏麗與三門鼎  
立 相望雲堂丈室 庖滷帑廩 逸僧之所 作務之寮  
繚繞周圍 纖悉畢具 萬石龍簾 架以層樓 晨昏鐘  
鞞 則端平元年尚方之製作也 六字飛白 揭之前  
榮 奎壁焜耀 則淳祐元年宸翰之賁飾也 三頃上  
腴 擇之餘杭香積 屬屢則三年上命之頒賚也 清  
淨檀施 佛所護念 乃若經律論鈔 覆以寶藏 運以  
聽輪金碧 莊嚴天然 圍繞儼然 雙林一會 未散無  
非 宮闈錫予及近侍之臣 捐金喜捨 出納具圖 籍  
可覆考也 祖仁殫勞 土木幸訖 於成介靈  
隱禪者 宗禮謁直學士院 臣公許為之記

三茅室壽觀 在七寶山東北 咸淳臨安志 本三茅堂 紹興



二十年因東都舊名賜觀額殿曰太元奉茅君像  
 徽宗御畫也有寧宗御書道紀堂三字紹興中賜  
 古器玩三種皆希世之珍其一宋鼎鼎高尺有九  
 寸廣尺有咫兩耳旁出而曲上三足皆具牛首鼎  
 外周環如篆籀腹內銘四十有一字傳者謂宋武  
 帝孝建元年八月作牛鼎以祀太室今以焚香殿  
 中按西湖遊覽志宋鼎作漢鼎以劉宋建元為漢建元誤其二唐鐘本唐澄  
 清觀舊物紹興閒有金聲震於太湖漁者莫能致  
 湖濱寺觀爭以舟迎獨澄清觀迎之鐘凌波而上

一引即入於舟丙辰九月二十四日戊午常州澄  
 清觀女冠王玉仙所造尚方出金帛度牒易以賜  
 禁中每聽鐘聲以為寢興食息之節其三褚遂良  
 書小字陰符經景定庚申賈似道以江漢功入相  
 理宗賜內府金幣百鉅萬辭有旨就觀宣索陰符  
 經以賜觀之外有庵曰仁壽陸游三茅寧壽觀碑記紹興二十年十月  
 詔賜行在三茅堂名曰寧壽觀因東都三茅寧壽  
 之舊也初章聖皇帝建會靈觀實於崇元殿之側  
 營三茅君殿是為祖宗崇奉之始至是高宗皇帝  
 方躋天下於仁壽之域尤垂意焉乃命道士蔡君  
 大象知觀事蒙君守亮副之許其徒世守又命內  
 侍劉放典領置吏胥給清衛兵略用大中祥符故



事後十年放遂請棄官專奉寧壽香火詔如所請  
 賜名能真改左右街都道錄仍領觀事實又用至  
 道中內侍洪正一故事上心眷顧此觀每示優假  
 如此然迨今歲月寢久未有紀之金石以修上錫  
 者紹熙五年六月知觀事冲素大師邵君道俊始  
 礪石來請游爲文傳示後世伏觀寧壽觀實居七  
 寶山之麓表裏江湖拱輔宮闕前帶馳道後枕崇  
 阜盡得都邑之勝廣殿中時修廊外翼雲章寶室  
 藏帙富麗浩浩乎道山蓬萊之藏也鐘經二樓翬  
 飛霄漢飄飄乎化人中天之居也金符象簡羽流  
 畢集進趨有容肅恭齋潔濟濟乎茹靈芝飲沆瀣  
 之眾也導以霓旌節以玉磬侍者翼從以登講席  
 琅琅乎徹九天震十方之音也祜陵之御畫德壽  
 重華之宸翰煥乎河洛之圖書也鴻鐘大鼎華蓋  
 寶劍楮遂良吳道子之遺跡卓乎祕府之奇珍也  
 榮光異氣夜燭天半所以扶衛社稷安鎮中夏者  
 於是乎在非他宮館

成化杭州府志元後至元辛

已火續建未完兵革遂止明初重葺一新萬曆杭

州府志成化開鎮守太監李義於正殿之左創建

昊天寶閣

商輅三茅寧壽觀諸天寶閣記杭郡治東南有吳山左江右湖爲一郡勝槩上

有三茅寧壽觀直七寶峰之麓實歷代祝釐之所  
 司禮太監李義奉敕鎮浙江公務之餘聞此登覽  
 因觀寥陽殿左隙地宜增飾輪奐遂捐已貲市材  
 僦工鼎建諸天寶閣上奉元穹聖像下列佑聖眞  
 君像備極莊嚴以至鐘鼓香花凡供神之物靡不  
 悉具觀之鐘樓先此久圯併爲新之經始於成化  
 壬辰冬十二月落成於癸巳秋八月命住持道士  
 夏雷轟率其徒眾晨香夕鐙祝延聖壽祈福錫民  
 其用心善已若乃雉堞前環層巒後拱波濤浩渺  
 潮汐吞吐至此使人神情舒暢塵慮消釋閣之形  
 勝卽觀之形勝覽者嘉靖戊午胡宗憲改三清殿  
 當自有得予不備書



為元武正殿

王炎同李魯三郎中遊三茅觀詩三首羽衣邀我坐團蒲一種香雲繞竹

爐九陌紅塵飛不到疑從木豕入懸壺愁邊無處

寄幽懷擬傍梅花把一杯玉麝含香渾未吐當攜

歡伯為重來路入疏梅密竹閒俯看水墨畫湖山

玉妃如我清遊好翦水飛花作苦寒錢惟善十五

日呂彥孚王槐卿方雲器馬彥初同過三茅觀時

雪晴雲散凭虛望遠不知身世之在城市也賦詩

一首以紀之三茅真館聚羣仙闔苑蓬壺思渺然

澗雪晴飄松上雨野雲令護洞中天眼高但覺江

湖小心遠那知井屋連欲與梅花爭比壽抱琴攜

酒約年年王冕三茅觀詩層巒開逕隱空青勃牽

蹒跚眼力生蘿磴癡嵐留宿雨石林寒竹動秋聲

城隍下瞰紅塵海樓閣高懸白玉京夜靜何人吹

鳳管碧桃千樹月華明張羽遊三茅觀詩洞府閤

春雲名從地脈分金毫開妙相玉札篆靈文鶴馭

三天下鸞笙五夜聞何因避世網香火事茅君屠

隆張肖甫司馬招飲三茅觀絕頂是夜遂宿觀中

雲居聖水寺

在雲居山

西湖遊覽志本二寺也雲居菴

者宋元祐閒僧了元號佛印建聖水寺者元元貞

閒僧明本號中峰建至大閒沙門指月拓基廣之

掘地得智井中有佛首三枚諸相具足遂塗金事

之名曰三佛泉洪武二十四年併聖水於雲居賜

額曰雲居聖水禪寺內有聽松軒中峰髮塔明本

又號幻住祝髮時有故宋宮人楊妙錫者以香盒

詩山當涼月酒全消步入流霞路轉遙有鳥隔花

窺絳蠟何人映竹弄瑤簫晚潮初過暮渚出風雨

忽來秋殿遙更傍真人分

紫氣一官吾已夢冥寥



貯髮舍利叢生遂建塔於寺中久廢成化間僧文

紳修復

張翥吳山聖水寺詩高處見滄溟西風吹酒醒潮來一片白山擁萬重青草木如浮

動煙塵忽杳冥登臨不可極吟思滿秋汀張時徹聖水寺詩蘭若藏雲腹行行石徑長開窗邀樹色列席鏡湖光地迴星河別山深芝

國朝康熙五十三年僧維新及其徒西銘重建

謹按萬曆錢塘縣志云雲居菴唐懿宗年建又雲居志云唐咸通中僧道膺原居豫章雲居山愛此山麓卓錫亦曰雲居不忘故也咸淳臨安志云靈智院在七寶山舊為聖水菴有觀音巖出泉能療民疾嘉定二年移請今額紹定間重建是雲居菴固不始自宋聖水寺亦非荆於元西湖遊覽志殆未詳考至言聖水雲居合為一寺較他書特為明晰耳

西溪路

淨業堂

在秦亭山

武林梵志為淨性下院僧圓禮築地

饒竹名萬竹淨業堂孫克弘書額曰香光莊嚴

謹按西溪梵隱志有石筠禪院即其舊址也

普慈院

在秦亭山

武林梵志嘉靖初僧廣莫建

佛惠禪寺

在方井

武林梵志晉天福七年普覺一禪

師開山為法華祖師道場咸淳臨安志紹興閒益

王府移請今額西溪梵隱志永樂閒本源文達禪

師重建正德閒燬都督萬表為外護祇園法師圓



果闡揚宗教請龍藏永鎮梵刹建閣修葺煥然一

新下院名圓通菴在六寶村別院名白業堂薛應旂佛

惠寺詩人天無住着究竟有真詮面壁應難悟繙經孰可傳徧尋何處遇普度亦須緣憶在吳門別重逢不記年文徵明佛惠寺詩法身曾趁木杯浮又駕慈航月下遊出世不求千歲藥汎溪長載一輪秋桂香飄處清禪夢兔影低時歇棹謳物色由來總虛幻何須重看海中漚

白業堂王世貞白業堂記白業堂者故講師朗公所立也朗公之同母兄曰祇園俱少而離

俗負大智慧為秀法師上足尋駐錫於杭之碧峰山祇園示寂法席愈盛諸矚施雲集朗公不以充衣食供而買地碧峰之址大約畝三十而微翦棘平塊中為堂五楹左右靜室翼之後為齋厨浴福四周高塘曠潔靚深竹樹匝列陰森蔽虧結夏解夏無非安地時郡守新都吳君詣公堂而樂之顏

其楣曰白業志淨土也朗公未五十而示病現化其門徒真相如蓮性印奉遺體瘞於堂之前而塔焉因介王徵士百穀來請記余舊嘗識公頤哲而長面苦滿月每升座說巍巍金山海潮之音聽者驚悚密意殷勤惟余是屬余今敢辭第朗公之業余不能深窺其趣而為弟子者錫磨精進母替朗公之志以無業為白業可也夫堂則一幻地而已矣

智勝菴在秦亭西湖遊覽志明弘治間建

上乘院在西溪之東咸淳臨安志真觀十九年建

舊名龍居治平間重建改今額有寂觀堂西溪梵隱志崇禎初郡城蓮居新伊法師退隱此菴有書冊藏經禪講學人欲閱藏請益者依之故有十餘



靜室附焉

釋大善上乘院詩萬斛松筠覆草廬千函文字寄溪居龍王藏惜宮中寶野衲

披宣架上書瓦鼎生煙拈紫椀磁瓶貯水插紅葉如今禪講交參日共集花巖作蠹魚

古法華寺

在西溪之東法華山下

西溪梵隱志明隆萬閒雲

栖宏大師以匡廬蓮社宗風大振東南雲閒鄭昭

服捨園宅為常住址在龍歸徑北約八畝有奇初

號雲栖別室俗名鄭菴崇禎癸酉秋郡守龐公承

寵給額稱古法華寺

吳應賓古法華寺碑記古杭法華山有雲栖別院者乃雲

閒青蓮居士鄭昭服所施建也居士歸依蓮大師法名廣瞻雅發大願將昔所置樓房宅舍山場園林若干施與彌天之釋為布地之金大師命僧濟舟等居焉青蓮乘世其子文學食貧有翁公汝進

錢公養庶洪公瞻祖羅公大冠葛公寅亮袁公儼

宋公守一聞公啟祥等共捐朱提六鎰助之而此地永為法華道場矣眾請之郡守龐公承寵捐

金給額改為古法華寺濟舟乞余言以紀其事

崇真院

在西溪之南

咸淳臨安志天福六年吳越王建

舊名永福治平二年改今額西溪百詠序柵橋東

有小崇真庵今二院俱興崇禎閒龍門寺僧信起

心一重建於溪之南溪東昭慶寺僧我菴重建

報先明覺院

在佛慧寺北

咸淳臨安志建隆二年吳越

王建舊名報先治平二年改今額有虛心軒西溪

百詠序諺云千年靈隱八百報先蓋唐寺也歲久



傾墮萬曆閒萬鹿園募眾重建寺有恆如禪師習

天台教四十年不出山誦法華經六千餘部

玉池菴

在塔場內

〔西溪梵隱志〕

崇禎己卯僧洪遠所葺

指華菴

在龍歸場

〔西溪梵隱志〕

崇禎二年郡城祖山寺

僧智授建

龍歸院

在龍歸場

〔西溪志〕宋紹興閒帝幸洞霄宮過此

因改清化寺為龍歸院僧佛印禪誦之堂也西溪

梵隱志明萬曆中廣陵僧真一無用自補陀來購

邱氏園基結庵厨有古井味甘列名菩薩泉初名

西方菴改稱古龍歸院

僧大善龍歸院詩序龍歸院萬曆中廣陵無用禪師

重建菴奉迦葉維衛及旃檀像皆摹古法望之如生師有草亭歌有梅筍譜每俟梅花謝後獨往觀之隣人疑問師笑曰吾惟愛其勁骨其徒忍仙能繼師志

法華律院

在西溪路北

〔西溪梵隱志〕嘉靖中東暉曉禪

師建里人金長臣施地俗呼金家菴

室羅院

在圓通菴西北俗稱楊家菴

〔西溪梵隱志〕崇禎中僧海

智字慧明築佛堂

大蘇林

在西溪法華山之陽

錢塘縣志為吳越王將臺錢氏

納土後改為趙山寺西溪梵隱志初名彌陀菴嘉



靖閒僧如性居之萬曆中海雲購復長洲劉錫元  
更名曰大蘇林

蓮花菴 在四方廟北

西溪梵隱志萬曆中陳氏建

國朝順治庚寅重建

永慶菴 在直塢

西溪梵隱志

萬曆閒觀音橋南小寺

國朝順治元年雲栖別室僧成懺融然復興之

曲水菴

在正等院左

錢塘縣志

即古清化寺舊址明崇禎初雲栖古德法師建四圍並闕水映竹長河縈

繞匯為放生池 王庭贈曲水古德法師詩木葉寒山對息機荒深絕跡鳥行稀禪關自啟水環鑲香雨不分花靜飛手種青松千臘近心懸白法一燈微閒身志未忘文字莫道浮名有非是

蘆菴

在曲水菴右即正等院

咸淳臨安志

紹興中侍衛馬軍

司駐屯於此建屋以奉諸軍香火 西溪梵隱志萬曆初年正等寺僧如覺因龍歸塢遷此菴董宗伯題曰交蘆蓋取經根塵識三都無實性同於交蘆之義亦以菴構蘆中直名蘆菴崇禎改元其嗣性圓拓菴成院大學士錢士升題額曰復古正等院



慈覺菴 在秋雪庵東 西溪梵隱志萬曆中僧性禪構精

舍號省菴崇禎己卯僧智養母其中雲栖古德法

師為改菴名慈覺蓋其孝行可方古慈覺法師云

錢士升贈慈覺菴笠雲詩昔日參承曲水邊拈來禪淨理雙圓而今說法依然在翠竹蒼葭帶晚煙

秋雪菴 在西溪東兼葭深處原名資壽院 咸淳臨安志資壽院元

係大聖菴淳熙七年移請今額西溪梵隱志宋潼

川軍節度所立崇禎甲戌靈壽寺僧智一智洪住

錫焉菴水周四隅蒹葭彌望花時如雪陳繼儒題

曰秋雪戊寅拓菴為院復古額曰資壽人仍以秋

雪名之 釋智一秋雪菴白題詩秋窗底事雪瀾漫風颭蘆花起釣灘點點定僧衣似濕飄飄

漁父笠疑寒遠籠竹浪煙仍翠澹抹楓林葉尚丹忽聽小舸歌款乃西巖彷彿認晴巒

報劬菴 在桃源嶺下方井東 錢塘縣志陸環溪封公墓側其

嗣之選之遇之遠倚廬處也梅竹相映溪山環繞

董文敏賞其幽勝為題額焉

福清菴 在安樂山前 西溪梵隱志唐中和閒性空和尚

開山種竹萬竿卓菴叢中宋隱士邁子山過院有

花覆石橋閒戲馬葉齊山寺亂嘯鶯之句萬曆閒

雲間僧桂峰復建後廢 毛奇齡修復福清禪院碑記向子觀梅西溪時已從



徐氏莊直抵安樂將欲過福清而不能也或曰福清在安樂山之陰右接永興其地環九龍而負層崖當西溪之勝故遊西溪者必過福清而其後從秦亭還仍不一過今年秋周子鉉攜西溪僧來謁子為記曰予方遊福清而福清院主介香城院主以記文請因詢其所遇及所知見然後知福清之從來遠也按院創自唐貞觀建元以竹院名而僖宗中和間有禪師性空者居之改名傳教種竹萬餘竿遂為勝場歷傳至元天曆復豎殿堂於萬竹中間以雜梅一時遊者多為詩鐫其堂達明萬曆之末則尚書陸公太史馮公以及了凡袁先生訃公嚴先生德園虞先生輩共為護持虔請禪師桂峯駐錫其中重開淨居恢復舊業而以師從天台來福庭清涼與之相埒遂易今名今律僧自慧偈其徒濟生竭蹶句募仍還故觀凡殿堂寮舍跌蓮承葉魚羸鐘杵巾盂幢幕燦然一新而梅花而竹仍獨擅西溪之勝焉夫住山佳水原足係人之流連沉儼然初地歷唐宋元明累劫不燬而又加

之以十里之梅萬竿之竹當西溪之地之勝向非慧公師弟力為修復其為天下所懷思而不得見者蓋不知凡幾也然則師之功可少哉吾他日乘輿尚當入西溪重抵安樂以窮其所謂福清之勝者而記之釋大善福清竹院詩藤蘿榮合竹叢生淡寫濃描似畫成滿院清陰篩月色千竿翠籟入溪聲庭中桂子雲間落池上蘋花水底明為問廢興何歲月我年二十始知名

夕照菴 在石人嶺下 西溪百詠序 晉咸和閒靈隱慧理

禪師退隱於此周顯德閒兵廢宋祥符閒尼僧道

成復興西溪梵隱志明萬曆中僧良峰購楊氏址

拓為菴復古額曰夕照俗呼楊菴

永興寺 在安樂山下 萬曆錢塘縣志唐貞觀閒建西溪



志悟明尊者開山晉天福僧宣大章住此釋法華

經宋鐵牛印禪師重葺尋燬西溪梵隱志明斷臂

諸道者建草菴旋廢萬曆初馮太史夢禎延僧真

麟飭新之手植綠萼梅二本題其堂曰二雪黃汝

興寺碑記西溪名利曰永興寺當靈竺之後山唐

貞觀年悟明尊者開山宋鐵牛印禪師重建濟顛

復疊石為安樂橋不數武而當水嶠處欽磻欲墮

夏漲秋灌勢甚衝決而歸然獨存民將食螺已斷

尾顛乞放之池中遂活至今螺無尾寺中廢嘉靖

間復興失其東偏為萬氏祠而祠又屬趙氏馮祭

酒開之倡緣以七十緡贖還於是東境始復僧真

麟居禪堂三間在池左高榆修竹間碧琅綠雪修

然可人池右種梅百本霏霏晴雪芳馥林表馮公

因屬林上人并佛宇一新之馮公往來此寺嘗歎

曰此寺非惟地居幽絕僧且樸真無綺妄非諸山

等即十八里梅花春時山家焙茶香聞十餘里亦

清勝冠諸叢林矣因題曰二雪堂寺後有方丈名

安樂松軒是不佞所書厨下井名聖泉雲間陸尚

書樹聲有淨界莊嚴題中江莫如忠書足與寺干

載宜記季流芳永興寺寄懷詩人言西溪梅不道

西溪竹試問十里香何如萬頃綠夾道飛流喧出

雲兩山矗永興好蘭若平疇帶溪曲梅竹正蕭疏

福勝院 在安樂山麓 西溪梵隱志晉天福閒吳越王建

宋僧困本澄重興繞寺栽梅邁子山嘗題其院有

野澗飄來蘭氣合家山夢去雪標清之句故有福



勝梅花之目元末兵燬明萬曆中雲棲僧大善構  
址結茅三楹顏曰谿巢楊副憲師孔書額崇禎間  
石郡守萬程改古福勝院

永樂菴

在西溪之西南森羅塢

〔西溪梵隱志〕創自梁貞明間

有梵僧阿利眞負經西來隱此得道元末兵燬明  
萬曆間洪中丞清遠延雲栖悅心禪師重建崇禎  
改元復舊額

清溪道院

在安樂山下

〔西溪梵隱志〕唐寶曆間羽士費

元眞開山宋徐提舉隱此

神仙宮

在西溪

〔西溪百詠序〕宋御書神仙宮額黃冠

千指至端平間有女眞魏無瑕築室退居於此今  
惟宮名存焉

寶壽寺

在西溪棠嶺橋

〔西溪梵隱志〕宋太平興國禪師法

行宏崇太宗特敕禪居賜名光孝中廢端平二年  
石田禪師由靈隱退居更名寶壽西溪百詠序正  
德元年無盡和尚復興萬曆間元律講主寄浮相  
繼住持崇禎初雲門石雨禪師重開古塔



謹按園亭非現在所有者皆列入古蹟惟寺觀祠宇興廢不常故雖古刹荒祠凡舊志所載者俱仍收入本門

西湖志卷之十三

總校董紹舒分校

陳

銛校



